

桂平縣志

世

平

具

志

桂平縣志卷三十三

紀事

紀事下編

自清順治四年丁亥春正月戊午明太學士瞿式耜奉桂王奔
八年夏歷己未止未附義記

清順治四年丁亥春正月戊午明太學士瞿式耜奉桂王奔
平樂辛未明潯州守將李明忠降於清王發梧州丁魁楚惑
於奸弁蘇聘之說密欺於李成棟移舟西入岑溪王化澄携
中樞印入潯州李永茂晏日曙走博白護蹕者惟式耜一人
明忠遂以潯州降

二月平樂潯州相繼失陷復入於明

四月丁丑明潯州守將陳邦傳遣其部將郭勇敢容縣已知

屠之血踐有聲

七月甲辰明思恩侯陳邦傳復梧州

巡撫魯可藻復賀縣富川引兵至平樂與焦璉兵會邦傳
出賓柳州及潯州清巡撫耿獻忠遁遂復梧州

五年戊子三月戊午明陳邦傳請世守廣西瞿式耜疏止之
邦傳子禹玉自恃迎駕功欲得南寧添設巡撫趙臺素得
土司心不之讓治兵相攻邦傳在潯州自請世守廣西如
黔國公故事式耜駁之曰海宇剝削止粵西一隅爲聖蹕
之地楚滇數萬之師取食一省輒曰獨擁豈老臣所知哉
六月甲辰明桂王自南甯如潯州封陳邦傳慶國公

王與三宮由邕江登舟出南甯抵潯州以宮眷有疾留數日守將陳邦傳以王爲奇貨也挽留駐蹕邦傳初疏薦趙臺臺旣得志見邦傳世守粵西之奏爲瞿式耜所駁朝臣亦多惡之臺乃絕其婚至形之章奏以博衆歡邦傳宣言聖駕下廣臺必隨扈吾殺之臺聞之遂留南甯邦傳面言皇上聽兩衙門交構於臣無少加恩倘丁亥二月無臣父子血戰梧潯三晝夜焉有今日趙臺賴婚負義皇上反加優容彼且不敢隨扈何足任留守南太係臣轄下何必再設巡撫望皇上大奮乾剛毋爲文武作奴僕身受實禍王面亦不能答但云爾補本來不得已許邦傳居守潯州設

官征賦如瞿式耜之在桂林邦傳必欲世守如黔國公之在雲南大學士朱天麟執不許邦傳怒令胡執恭傳語曰勳公將以劍印擲公舟令各營兵聽公發付天麟不爲勳中書舍人張立光受邦傳賄賸黃時竟以世字易居字勳卿不及察給事中吳其濡疏參之督師何騰蛟巡撫魯可藻御史吳德操先後論勳鎮曹志建亦譁然不平事遂寢按邦傳請世守廣西事東華錄載在十一月云邦傳怒以慶國公印尙方劍擲天麟舟中是擲印劍時已封慶國公且實擲之矣而小腆紀年則曰是月封邦傳慶國公邦傳令胡執恭傳語云云固未嘗擲也今從小腆

六年己丑明科道諸臣交章劾陳邦傳

初清兵之未入廣西也邦傳嘗私歛於清至是又以潯慶南太四郡未經薙髮自侈爲功故袁彭年李元允尤惡之科道諸臣希二人意以攻擊邦傳爲事給事中金堡尤力嘗劾邦傳十可斬

十一月辛己明督師大學士堵允錫卒於潯州

時以袁彭年爲虎頭丁時魁爲虎尾蒙正發爲虎喉劉湘客爲虎皮金堡爲虎牙五虎擅用事允錫每有奏請輒掣肘發憤成疾遺疏畧曰請兵則一營不發若曰堵閣臣而有兵則豐其羽翼也索饒則一毫不與若曰堵閣臣而有

饒則資其號召也二十六日卒贈中極殿大學士太傅兼
太子太傅潯國公諡文襄

府志按東華錄載允錫卒於順治元年十一月諡文忠
疑誤此據小腆紀年

七年庚寅十一月己未明陳邦傳叛報至梧州王倉卒幸潯
初邦傳欲留王以自重不果懷異志而未發也聞廣州破
飛帆先歸謀劫駕王舟衝雨而過不及發乃劫百官鹵簿
之舟在後者王走南甯

九月丙子明陳邦傳誘殺宣國公焦璉率潯州總兵李時方
有聲副總兵鄧景監軍道楊兆文知府何允中叛降於清

邦傳與其子文水伯曾禹遣使至梧州通於孔有德璉不知也邦傳與璉爲兒女戚誘之來而說降璉不屈自刎死邦傳乃率潯州文武降有甯端伯茅文憲者亦爲邦傳所脅繳印降尋悔恨死報至壬寅桂王自南甯出奔

十二年乙未二月靖南王耿繼茂平南王尙可喜追李定國至橫州江潯梧等相繼克復

康熙二年癸卯六月廣西巡撫金光祖奏請左江守道仍駐潯州從之

光祖奏左江守巡二道所轄者潯南太三府並思明與南甯太平所屬二十八土司自巡道裁撤歸并守道非一官

所能兼攝

查桂林巡道事務甚簡應改爲左江巡道仍駐南甯左江
守道仍駐潯州將桂林巡道事并桂平守道兼管從之

十三年甲寅孫延齡叛附吳三桂梧州都司王邦相潛據潯
州歛之

邦相據潯州招結土賊陳土龍周君道李梅友等聚衆抄
畧五山狼韋國棟陷岑溪掠戎墟藤縣賊林萬勝據義昌
鄉殺解饗官諸州騷然賴義師迭倡國威奮揚諸從逆者
次第撲滅

侯成德攻潯州副將蔣秉鑑獻城知府劉浩被執死之

初孫延齡以桂林叛徇諸郡城浩嬰城拒守至是成德陷
平南復勒兵攻潯州秉鑑獻城內應執浩父子五人送賊
營抗節駢死

劉浩奉天人由治中知潯州府康熙甲寅孫延齡以桂
林叛附吳三桂徇諸郡縣浩嬰城拒守僞總兵侯成德
陷平南殺知縣周岱生典史武佐鼎復勒兵攻潯勢甚
熾副將蔣秉鑑獻城內應執浩父子五人送賊營暴烈
日中抗節不屈同時隕命家口百餘悉遇害思靈山老
僧宏韜爲備棺殮葬於西門外沙岡贈太僕寺卿蔭一
子書入監讀雍正間知府陳堯賢建專祠而以岱生佐

鼎配

十五年丙辰潯州大水

作平縣志
十六年

總兵官楊國泰克復潯州

傅宏烈奏賊踞梧州臣遣總兵官楊國泰分布官兵水陸
並勦大敗賊衆於昭平等處乘勝逐北本月初三日克復
潯州獲賊船器械無算得旨嘉獎下部議敘

十七年戊午春正月庚辰鎮南將軍莽依圖奏遣官兵駐潯
州以禦柳州南甯之寇

二月兩廣總督金光祖自潯州進攻失利

三月逆賊陷潯州

莽依圖以失利退兵地方失陷自陳請罪帝切責之曰莽
依圖至平樂不能殲寇拓疆擅自退還致潯州諸處陷賊
今乃云未至梧州傅宏烈金光祖早已棄地明諉過於傅
宏烈而巧飾妄奏殊屬不合宜立行處分但見在行間其
仍留將軍任圖功贖罪

潯州協副將林大忠等率兵剿賊於容縣西山等處大敗賊
衆擒斬無算

六月己卯諭將軍莽依圖額楚傅宏烈及參贊諸臣與總督
金光祖等俟克復潯州俱赴梧州面議進兵務期和衷爲國
勿各圖自便

夏四月副將林大忠克復潯州

總督金光祖奏逆賊吳世琮等踞潯州聞大兵前進卽焚營棄城遁副將林大忠入城撫定人民

康熙十九年十一月潯州雨至明年二月乃止

二十二年癸亥二月己丑贈故潯州知府劉浩太僕寺卿

廣西巡撫郝浴奏原任潯州府知府劉浩於逆賊延齡叛時攬節不屈合家殉難應請恩卹從之贈浩太僕寺卿蔭一子入監讀書

二十七年戊辰夏不雨

三十六年丁丑潯州饑

五十二年癸巳潯州饑

雍正七年己酉夏四月移潯州府通判爲思恩府通判

乾隆十八年秋七月朔潯州颶風

二十三年戊寅五月撥潯州倉谷濟廣東饑

兩廣總督陳宏謀奏廣東米價增昂請做閩省商運溫台倉谷之例將附近東省之梧潯府屬存倉谷定以撥運數目並腳價若干曉諭東省商民齎本赴糴於秋收價平時購補從之

二十七年壬午春三月十八日潯州颶風城樓皆圮

四十二年丁酉潯州蝗四月有虎二至興賢坊各攫一猪去

四十三年戊戌桂平丹竹村民獲大蛇長徑丈餘

九月初十夜潯州地震有聲

四十四年己亥三月二十四日桂平風雷暴作有龍起蓬浪江中舟幾吸起

四十九年甲辰大水

五十二年丁未正月潯州城六街同災燒民居無算太平坊尤甚

五十三年戊申潯州大疫

五十四年己酉春三月上都里華眉瑤團安澹大灣等村甘露降於松自是年至嘉慶十七年歲連大稔

嘉慶二年三月十二日桂平江口曾士發家井水忽溢出頃
平如故

二十八日地震

十一年丙寅二月癸未思陵山石崩聲隆隆然山半巨石傾
止龍華寺後

三月初五日潯州城有白蚨蝶數百萬向東飛去

十二年丁卯五月十一日大雨大宣紫荊諸山水入夜暴漲
深數尺奔騰有聲至曉不絕山半土坭迸裂水倒噴而出山
居多漂沒僉云蛟患

二十年乙亥六月二十五日鷓鴣村田間有白氣二道冲霄

漢少時滅火星四散空中有聲食頃乃止星墜地如彈非鐵
非石作硝磺氣

道光十年庚寅四月大旱土賊林某倡亂劫掠四境尋滅

十二年壬辰八月十三日日藍無光自辰至酉寒

十三年癸巳五月蝗

十四年甲午夏潯州蝗復大水

七月初七日大宣里鵬化紫荆五指三山水同發平地深三
尺歲大歉

十七年丁酉春三月朔雹大如斗民居拆椽破瓦冬雪蝗盡

死

二十年庚子六月潯州大旱

二十一年辛丑廣東賊楊阿丙等劫越南貢舶於桂平石嘴河竄匿貴縣石龍墟貴縣知縣聞寶桂勦之獲貢物以歸

阿丙偕楊阿辛關阿易等劫貢舶入石龍墟之金山寺聚飲欲遂爲亂墟民偵報之寶桂率兵勇由龍山走石龍賊始覺急邀外匪文阿英等來拒官軍先至困賊於金山寺賊負固死守我軍奮攻自辰至酉斃賊十餘名擒阿丙阿辛等誅之乃歸所劫貢物

廣東賊關九興等行劫蒙墟各處

九興暨長脚太等潛於蒙墟馬皮石嘴下灣蘇洞等村市

打單勒贖號曰大貨手打單者苟歛米銀之謂也東諺呼
刀曰貨腰間常佩大刀故名於是桀黠無賴之徒相率效
尤日則伏萑苻劫行旅夜則蕩小舟上下要劫商船居民
紛然無安枕矣

二十六年丙午廣東洪秀全倡拜上帝會於紫荊山

秀全花縣人與同邑馮雲山先至博白繼至貴縣龍山復
往來平南鵬化山最後竄匿紫荊之鵬隘山主曾玉珩家
所至以教讀爲名因緣廣東教民宋或作宋九濤上帝會煽惑
山鄉謂人當敬天耳安事土木神秀全至自貴縣雲山言
教民疑信參半秀全乃裹紅巾仗劍毀社稷壇文昌祠神

像以神其說附者日衆團紳附生王作新率鄉民執之秀全遁獲雲山獻於大黃江巡檢赴控府縣發其叛逆狀皆斥之作文又言在象州亦有毀祠廟事且購之矣請移緝亦弗問知縣王烈驗其書以爲類勸善也其黨科炭錢爲營脫卒遣速回籍雲山途逸而歸復入於紫荆

六月李賊觀保始劫掠江上

觀保舊峽村人聚黨劫江上商舶與羅阿丙任文丙阿劉烏陳阿貴聯絡爲艇賊之始

二十八年戊申廣東賊陳香晚潛結武宣東鄉賊陳阿貴分擾賓州桂平官兵擒香晚誅之

香晚別號沈晚香晚欽州人初賣葯賓州是乃結石牙墟
黃啓珍入武宣城鄉陰謀不軌三月率黨與阿貴攻刼修
仁荔浦潛聚東鄉六七月間遂分擾賓州桂平提督向榮
分兵擊敗之餘竄來賓香晚收死黨數十人匿石牙會來
賓誘擒啓珍啓珍恐株累乃令香晚竄匿石本山官軍擒
誅之阿貴亡去

土賊王式賓寇貴縣黃受村上都里團練勦之

是年八月至十二月大旱

宣里民屠人鬻於市

宣二里民某甲與其鄰乙樵於山斧死之熏其肉鬻於市

曰犯也晚服鄰衣以歸有識其衣者鳴於官誅之

三十年庚戌有會黨千餘大鑄軍械於白沙墟

初貴縣地方不靖縣令楊曾惠置之不理馮雲山由大墟入龍山連結鑛徒將舉事武生某訴之縣曾惠擲還呈詞至是洪黨遂駐白沙開爐鑄砲月餘乃去其黨已不下四千人道趙里伯公坳過大灣肚渡北河經姜里入金田時官軍均未處分而鄉團亦以大吏方嚴辦土來械關之案不敢過問

春正月武宣賊陳阿貴伏誅

阿貴由武宣勾結李吊古兄弟擾桂平武平里石龍墟等

處團練截之走渡勒馬河竄匿羅涿洞山中副將李殿元

同知吳德徵購綫偵捕樵人識之白碧灘廩生黎建勳於

是並其弟火交擒獻於知縣李孟羣誅之

按府志云阿貴者東鄉平嶺人

道光二十九年八月叛投東鄉表里李勉村以劉觀先為

米飯主劉山豬竈黃糯米四叛應之夥劫象州大樂章泰

入山大觀先率圍掩之至駭隘界不敢深入遂散已而阿貴十

糾山豬竈之明年四等仇東鄉團觀先自以其會也往會焉

被執殺喉之明年四等仇東鄉團觀先自以其會也往會焉

龍為鄉導偕官團追捕河貴走竄廟黃團尾擊於二十林復

竄桐木至頭排阻於石繼卡遂散黨遁於紫荊之二十四復

沖廷請借官軍搜平嶺集穴獲其父隘古二反其妻平解

縣誅之最後阿貴潛過江聚黨於六蒙山心村桂平武平

武里團擊於石龍墟大敗之斬首二千餘人斬於市二千餘人

貴縣土人與來人關勝之來人合諸蠻徒奔赴桂平金田

狼獾曰土廣東惠潮人曰來來人富豪溫阿玉豔土人農氏女美陷夫家退婚不可強娶之遂相仇殺來人敗走附金田初土來旣鬪適陳香晚糾衆三千由賓州入貴縣龍山出棉村聲言尋仇土人誤爲來人勾結集團練禦之殺千餘人乃遁去北岸來人乃約南岸黃阿左葉阿長各股數千人由瓦塘渡江屯覃塘鍾阿春楊撈家徐阿雲等率衆萬餘由東津渡江屯大墟土人殊死抵禦互殺四十餘日賊遂飽掠去來人勢孤急挈家奔南岸及桂平蒙墟等處至是遂合鑛徒赴金田從秀全

六月洪秀全兵起於金田

金田桂平小聚去潯州城五十餘里其後爲紫荆山層巒
疊嶂易於出沒中有徑通平南武宣象州明侯大狗侯公
丁曾據其地爲亂秀全與馮雲山旣回竄於是楊秀清蕭
朝貴韋昌輝石達開先後入教而胡以珖陳玉書等崇奉
之初武宣縣人陳阿貴謀寇修仁荔浦約黃糯米四合黨
糯米四失期後至假阿貴名襲破象州在籍刑部主事鄭
獻甫家大吏入告以雲貴川三省兵來潯會剿未至阿貴
已敗匿羅淥山中大黃江巡檢黃基奉縣檄率勇入山捕
獲阿貴解縣旋奉檄遣散勇丁該勇道出鵬隘山訛索鄉
民不遂則呵之曰奴輩拜上帝會謀不軌行將屠之尙何

客也雲山等因激怒其衆遂集金田昌輝家聽洪楊部署
得一百三十餘人鄉團走告縣官諭令解散既而上帝教
徒陳玉書舉家回上灣道新墟爲巡檢勇截留其妾洪黨
憤而復聚亦不過三百餘人會來人率男婦老弱三千餘
合博白教徒數百聚鬱林白馬江出桂平大洋墟經大莫
村屯定子橋旱雷嶺然猶在桂平南岸阻以大江清軍盡
不堵截遂由牛兒嶺渡江會合其勢始盛及三省兵到金
田部署已定時秀全匿胡以兆家秀清率衆迎至金田旋
移屯武宣東鄉招集徒衆貴縣林鳳祥揭陽羅大綱衡山
洪大全悉歸之桂平令李孟羣旣獲陳阿貴知府顧元凱

奪其功積不能平金田兵起里紳走縣署訴之孟羣卒諉諸府固請乃一巡行里中而已

蘇賊十九擾中渡木根各處竄劫馬平羅秀旋連結客民依

附洪秀全

洪秀全襲清軍於新墟勝之

洪黨據鵬化山署按察使楊彤如遣思恩知府劉繼祖桂

平知縣李孟羣由新墟會師水陸並進洪軍乘兵練甫集

夜襲之遂潰

探冊云洪氏部署既定令民間糶互入市如常毋自擾疑墟民以六百金召團練入衛

而不知練勇半致徒也即市中掩執洪黨數人焚之洪軍分兩路來撲練勇禦之猪矢嶺未戰而潰洪軍僅焚西

街杉皮屋數間亂民乃乘機飽掠初博白徒衆猝至里揭走訴縣縣調府辭以病數請弗獲見及焚新墟警至將揭

登聞鼓乃出
數言而退

五月庚戌責廣西文武嚴捕武宣潯州股匪

雲南巡撫鄭祖琛調廣西巡撫以姑息爲政檄府州縣吏
不得擅殺人是時所在盜賊蠱起吏輒諱言之帝諭軍機
大臣曰前有人奏廣西會匪猖獗已寄諭鄭祖琛飭令督
率嚴辦矣本日復有人奏廣西自去年賊首張家祥滋事
官兵不能捕獲強爲招安餘黨四散勾結慶遠則張家福
鍾阿春柳州則陳阿貴陳阿分陳山豬箭武宣則梁阿九
劉官生象州則區振祖潯州則謝江殿平樂則紫荊山一
夥皆分股肆擾而陳阿貴一股爲尤甚似此盜風日熾該

省州縣緝捕懈弛已可概見提督駐紮柳州爲賊出沒之區何以任其往來不加懲創難保無欺罔畏縮情事著該撫將前後所奏各情按照摺內所指賊匪姓名寔力查拏盡法懲辦並將廢弛捕務各員先行參劾責成文武員弁痛改錮習上緊會緝無任一名漏網以除民害而安邊境

九月兵科給事中袁甲三疏劾巡撫鄭祖琛

甲三奏廣西盜賊充斥蠶屯蟻聚已非一年該撫鄭祖琛專務彌縫查八月初三日該撫曾奏稱軍務告竣請俟藩司張雲藻回任後來京陛見其去馳奏修仁荔浦等縣失守之期不過十數日如謂十數日前毫無見聞則膜視封

疆形同木偶罪無可道若明知藩司久病必難回任僅以
一請塞責居心詐僞更屬不堪又伏讀八月內兩次諭旨
修仁荔浦等縣文武各官暫行革職隨營効力此係兩縣
債事員弁失守城寨律有常刑不識鄭祖琛若何陳奏曲
爲開脫復請隨營効力爲後日邀恩地步墮軍民之志氣
長寇盜之兇威貽誤軍機莫此爲甚廣西統轄十一府今
有八府紳民李宜用等航海叩閭匍匐闕下則民不聊生
通省糜爛已可概見可否明降諭旨嚴詰鄭祖琛等叅賊
釀亂之由與其前後奏詞欺飾枝梧之故並飭督臣徐廣
縉嚴查死事諸人是否被戕抑係畏難自盡其失守倖生

各土匪洪軍勢益振祖琛上聞命前雲南總督林則徐爲
欽差大臣馳同祖琛榮暨前雲南提督張必祿會勦給事
中袁甲三既劾祖琛兩廣總督徐廣縉復命褫其職於是
以則徐兼巡撫事薨於途必祿至潯亦卒乃以星沅爲欽
差大臣

庚辰以潯州文武防堵不嚴令大臣林則徐總督徐廣縉確
查具奏

諭曰據鄭祖琛奏稱飭調團長黎建勳堵截搜捕該逆首
寔由黎建勳首擒獲署武宣縣劉作肅與副將李殿元等
均在武宣桂平交界各山村搜捕出力該督參奏顧元凱

桂平縣志卷三十三
劉作肅革職留任自係在首途未獲之先是否該員始終
堵禦不嚴抑此拏獲首尙有微勞之處著林則徐徐廣縉
復行確查據寔奏聞再降諭旨

丁亥以陳阿貴黨鄭廷威未獲令文武嚴緝

諭曰前據鄭祖琛奏覆匪首陳阿貴並其弟陳大受當經
明降諭旨飭將奮勇爭先之團首黎建勳並出力各員及
紳勇人等查明保奏茲據兩廣總督徐廣縉奏稱該匪等
經署桂平縣知縣李孟羣武宣縣知縣劉作肅並府經歷
楊潤帶同黎建勳等擒獲首匪其該犯之弟陳二是否卽
陳火交此外有無著名逆匪在內十分夥之鄭廷威一犯

尙在稽誅著該大臣遵照歷次諭旨查明並嚴飭文武員弁迅將鄭廷威擒獲

官軍攻金田敗退貴州清江協副將伊克坦布秦川司巡檢張鏞等十一人死之

先是金田既起事楊秀清率衆迎洪秀全於花洲分二隊一出思旺一出鵬化羅掩上竄於金田潯州協副將李殿元擊於思旺張鏞被執不屈死桂平廩生吳尙憲平南監生朱名揚遇害初張必祿既卒李星沅以貴州鎮遠總兵周鳳岐領其軍二十六日令伊克坦布等往勦之不時接戰二十八日來人數千叛附之洪軍胆益壯翌日遂圍我

軍於望鰲嶺七營相率宵遁伊克坦布策馬回走墜於橋
下洪軍取其首而去千總田繼壽把總潘繼邦楊萬福劉
洪海保定清何其壯外委彭昌並亡於陣鳳歧馳援之堵
禦一晝夜圍始解

十二日貴縣城賊莫十五焚劫羅秀馬平等村

十五聚黨萬餘與劉理生由羅秀擾及馬平十村一市焚
劫爲空團紳監生姚大標弟大載子業保堂兄大品率練
勇禦於大水河橋衆寡不敵退至白羔胸大標與其兄弟
子及勇二十餘人死焉

乙亥令李星沅策應諸軍迅速藏事

初軍機大臣李星沅暫駐軍柳州會勦奏陳見在情形約舉大略六條帝以勞崇光向榮等雖經連獲勝仗柳州慶遠諸洪軍殲除殆盡而左右江各屬勢尙蔓延所有桂平之大黃江及金田邨及附近平南鬱林等處洪軍踪跡出沒人數尤屬不少會周天爵亦將馳抵軍營先諭之飭星沅策應諸軍與崇光榮等互爲聲援分路兜捕因地制宜已卯令李星沅查桂平金田失機文武各員據實參奏並予陣亡副將伊克坦布巡檢張鏞祭葬世職帝覽勞崇光向榮等奏以署總兵周鳳歧副將李殿元等在思旺墟追擊被洪軍分股回撲官兵失利以致副將大員陣亡文武員弁被害

著李星沅等查明失機文武員弁據實嚴參向榮勦辦橫州等處屢獲勝仗馳往桂平督同周鳳歧及在事文武激厲兵勇合力兜擒自當相度地勢熟審敵情剋日殲除豫防詭裝壯練溷入軍隊

以前漕運總督周天爵署廣西巡撫會師進取

金田洪軍勢益熾搜括附近紳富財無算時向榮率楚兵二千駐橫州雲南總兵李能臣率滇軍二千駐果化李星沅皆檄赴潯州復疏調貴州鎮總兵秦定三率黔軍會潯洪氏聞三省兵將至悉衆出大黃江逆拒之

十二月以潯州慶遠思恩等處洪軍尙多令李星沅等相機

攻擊

徐廣縉奏廣西平樂柳州一帶自陳阿貴就擒漸見安戢
惟潯州慶遠思恩等府兵力較單應自擇要併力攻圍以
期迅速藏事帝因李星沅與周天爵勞崇光向榮體察各
郡形勢悉心籌畫合力攻擊其調到各兵道路不熟恐或
乘間竄逸或設伏抗拒互相勾連亦須酌籌妥爲布置

咸豐元年辛亥春洪秀全稱王於大黃江

洪黨由金田至大黃江向榮李能臣周鳳歧駐平南馬鹿
嶺十八日戰於牛排嶺斃洪軍二百餘清師敗退官塘衛
守備王崇山等十二人陣亡秀全遂晉號太平王以石頭

脚陳氏宅暫爲王府

壬辰潯州協副將李殿元等以堵禦不力分別革職拏問有差

初洪黨據思旺墟廣西潯州協副將李殿元署提標遊擊事都司宋煜署柳州城守營都司事守備陶玉德均以堵禦不力經勞崇光向榮奏參降旨摘去頂戴責令帶罪自効至是因李星沅等奏將該員等先行革職拏問仍確查如有遇賊逃避等情卽行按律嚴懲以昭儆戒

令李星沅等協力會師進擊韋政洪秀全

帝以敵情狡譎難保洪軍不揚言大夥所在而分遣枝隊

大襲其不備江河分汊山徑叢雜尤須堵截周而諭令星沅等與巡撫提督隨時審度機宜同心協力會籌迅勦又稱張家祥帶勇前敵見值用人之際若果可資得力自當用其所長俾得立功自効若察看情形反復無常難於駕馭則剪除內應免墮術中爲要

十八日官軍攻大黃江洪軍大營連敗之

洪軍踞大黃江一帶地險人衆提督向榮等飭文武員弁合力進攻是日直抵洪軍大營連環攻擊自辰至午轟斃二百餘拋擲火具燒毀房屋乘勢追奔又斃數十其由別路進攻之水陸壯勇復分頭攻勦殺斃數十洪軍始回營

負隅固守

按向榮進兵擊石頭脚大營而別以一軍自牛矢灣渡江擊大黃江洪軍期弗至榮獨戰於屈甲洲洪軍倖敗先設伏於下游

以抄敵後敵軍深入前後受敵遂敗士卒死者數百人洲坑為滿

二月以廣州副都統烏蘭泰馳驛赴廣西幫辦軍務

諭曰軍機大臣等昨有旨諭李星沅等廣西大兵均駐潯州其南太一帶界連高廉深恐兵力單弱不能扼要堵截已飭令該大臣通籌全局派兵防勦矣因思重兵雲集統帥需人本日已特降諭旨令廣州副都統烏蘭泰馳赴廣西幫同該大臣等辦理軍務庶幾希置周密不至顧此失彼

大臣李星沅巡撫周天爵提督向榮奏敗洪軍於大黃江

洪軍自正月被官軍攻勦後尙踞大黃江牛排嶺等處憑恃險阻榮四路圍截是月初三日洪軍分股佯誘官兵榮派雲貴官兵移紮佛子口親率楚兵馳赴夾洲搜勦洪軍復佯退從金匏村去撲犛壯營並分撲大營雲南鎮將砲斃洪軍百餘梧州兵丁柳肇先立斃洪軍長矛隊長勢少却榮慮賊有詭謀嚴防之初五日洪軍果分三大股擁出榮督同總兵李能臣等分隊進攻蔭生向繼雄率勇堵其北洪軍又伏大隊正南竹林間兵勇轟擊自寅至午斃洪軍無數都司龍金源親然抬砲傷斃甚多乘勢衝殺斃衣紅袍弁目一執藍旂弁目一先後計殲一千數百有奇

按洪軍自

屈甲洲之役益無忌二月初五日攻撲向榮稍魚鱗塘軍營
甚急一軍皆失措有以巨砲擊之者洪軍稍卻榮營軍堅
洪軍嚴守自勿至申
洪軍弗能遂乃退

以勦辦金田洪軍獲勝賞提督向榮巴圖魯名號

洪軍退入新墟遂趨武宣

向榮扼守下游洪軍計無所出二月初八夜退入新墟王

謨鄉團劉星旋上珍等以其自大黃江敗潰殘軍也擒獲

十餘人繫諸樹洪軍覺之屠王謨鄉星旋上珍等十三人

皆遇害遂由紫荆入武宣榮乃移師北河馳象武堵禦修

仁荔浦路梗不通復拆為東鄉
按二月初十日丁卯洪軍前鋒至三里斷靈湖台村

右股至西鄉平田貝貢左股至北下沙安朋村頃刻洪烟
四起壬申古列附生閉潛修募鄉勇觀於古婆村斬洪軍

披紅巾長髮軍民觀者如市
 巡撫周天爵受而斬之時
 督軍營城北東勇張軍營東湖勇楊軍營通南江右
 師衙接至勒馬惟都統烏軍營西鄉七星嶺通洪軍左右
 每日出陣石牌坊洪軍皆迎敵庚辰東勇擊洪軍於沙安
 洪軍稍退不敢追奔三月戊辰小林大梭險象州長驅
 修仁至石塘卡關鄉軍守險遂東通大樂至中坪北地
 復分股由東溫東鄉入紫荆山四月二十日分股至小坪
 復入東鄉官軍追擊山

三月壬辰責大臣李星沅巡撫周天爵提督向榮等同心率

勵軍民乘機剿滅洪軍不得意存諉卸

帝以見在西省兵勇雲集隣省亦協力兜擒陔懷南服亟
 思一鼓蕩平復命湖南雲南貴州三省再調精兵三千名
 又添調安徽勁兵一千名選派得力將弁管帶前往其軍

需糧餉則命所司寬爲籌撥源源接濟責令星沅督同土
客各軍扼要攻守旋以李星沅周天爵向榮等奏賊勢狃
狃官兵不敷策遣請特簡總統將軍來粵督辦以爲命將
遠來必致耽延時日且兵將等一聞另有遣將之諭勢將
紛紛觀望一有貽誤無所歸罪兵貴神速間不容髮豈可
遽思諉卸坐失事機一體諭飭軍機大臣嚴加申飭

丙申以大學士賽尙阿爲欽差大臣率都統巴清德副都統
達洪阿管帶京兵馳楚粵交界防堵

星沅等前因請簡總統將軍來粵督辦帝以爲意存諉卸
降旨嚴行申飭又恐起事各軍分擾竄及隣省楚粵之交

尤爲緊要特命賽尙阿及巴清德洪達阿馳驛前往湖南
廣西交界地方督辦防堵事宜仍諭飭李星沅周天爵向
榮等接奉此旨不得以朕特派有人稍存觀望務當督率
將弁激厲兵民因地因時協謀攻勦

甲辰大臣李星沅巡撫周天爵提督向榮奏敗洪軍於武宣
東鄉

洪軍自牛排嶺潰敗後盤踞武宣東鄉一帶時出剽掠勢
極狃三月十七日督兵分路進勦自午至申力戰數時
洪軍愈集愈多官軍幾不能支天爵揮軍奮勇直前手刃
退走閩勇二人親率東勇大呼前進官軍乘勢奪擊勇氣

桂平縣志卷三十一
一百倍殲斃洪軍數十洪軍遂敗奏至帝以周天爵爲老尙
能軍著卽專辦軍務又以洪軍自牛排嶺潰敗後直走武
宣一帶距桂林不遠省垣重地尤宜加意防守飭星沅等
體察情形一面兜捕一面嚴防斷不可稍有疏虞至乘間
而入

十八日貴縣賊謝土養再擾羅秀飽掠而去

土養由高峰墟率黨七八千人盤踞羅秀二十三日韋廷
揚與貢生韋良佐集南容兩團攻之遇於小陽斃僞先鋒
三名賊以別隊抄後團退上山且戰且走僅而獲免容團
陷入賊伏斃練丁六十九人於是小陽鳳鸞二村悉被焚

毀八月賊至蔴洞增生韋在邦扼守大佛子隘賊不敢犯
二十八日洪軍掠鹽新墟

洪軍在東鄉食無鹽乃分股一走紫荊一走鵬隘路皆崎
嶇至則掠鹽而去他無所取

知縣李孟羣會在籍主事劉惠人候選知縣張秉亮立團練
局城中而設分局於各里先後所立白石團黃獻錦羅播團
李彬賢社坡團蒙獻祥由蔴團謝賢佐厚祿團蔣湘江楊卓
材楊鴻舟羅秀團姚大鸞石龍團湯振廷尤爲得人
夏四月巡撫周天爵疎陳武宣東鄉事情

天爵奏洪軍自焚牛排嶺突走紫荊山掠雙髻據東鄉東

西六七十里複山重嶺實省城水陸通衢蓋柳州象州各
大郡之門戶亦通省安危所繫也洪軍踞東鄉三里墟糧
食雖充而水路爲我先據以投誠之張釗及頭目九人統
領七百水勇前往防江洪軍無食鹽烟硝欲拚命速戰謀
攻黔兵營潰圍北上是以三月初二日黔兵奮勇鏖戰死
傷最多初八日聞賊欲攻舊縣墟之江口奪渡而報貴縣
之仇再迎凌十八劉八兩股萬餘衆是水路所關重要陸
路兵將不善操舟又不能舟中用砲斷難抵禦臣與提臣
向榮鎮臣秦定三熟籌專責釗與之力鬪以其長於水戰
洪軍必受創初十日釗果大勝砲斃東岸洪軍數十且有

被擊粉碎者登山望之伏軍歷歷可指其欲攻秦定三營者布滿山谷是賊欲一股南出以偏師牽動大營而乘虛北上也臣等晝夜水陸梭巡於深林澗谷江畔之地多獲奸謀供稱洪軍欲明攻舊縣江口而暗攻勒馬遂飭釗等備之故釗以少船守勒馬而以多船藏山脚嚴陣以待未幾洪軍果大敗傷斃二十餘人水勇受傷者一人見在事情惟韋政洪秀全馮雲山楊秀清胡以珖曾三秀頭目數十人而洪秀全馮雲山爲最營皆散處戰亦散布卽敗不至大創此時兵力不足宜專理坐戰之法力有餘則連營偪進總以大圍收成小圍步步偪緊使之步步縮歸要在

驅諸羅淥洞聚而殲之若猝然擊之縱獲勝仗必有脫逸
見在暗中四面分竄恐成流兵之勢是一戰之功小致敵
四出之罪大也敵情不在速戰而在固守我兵以靜待動
以逸待勞庶軍心和而士氣固矣奏至帝以爲洪軍踞東
鄉三里墟食鹽烟硝斷絕勢不能不出而速戰以圖潰圍
北上見因兵力不敷力持固守之說連營偪進將各股驅
入羅淥洞聚而殲之所見自有把握惟務當嚴防突圍竄
逸與淩十八劉八合謀張釗投誠立功先當示之以誠令
無疑懼至田芳投誠之後有無立功之處其頭頭目能否
同心效命均著確查隨時奏聞調取遣軍流犯協勦兼用

遣勇於衝鋒破陣可期得力其周濤章允升二人已據力
爲申辯諒能用其所長也可具奏並諭令查奏所保紳民
單內各職員究官職籍貫其前次賀縣遇伏後之情勢如
何是否再有接仗見在隣省會籌協勦情形如何著一併
復奏以慰廑念

大臣李星沅奏視師武宣會籌勦辦

時李星沅探明洪軍欲分三路進攻會垣恐與周天爵向
榮各軍隔閼策應不靈奏請視師武宣其紫荆山一帶僅
飭桂平平南兩縣帶同壯練巡防奏入帝以爲巡防不可
過於單弱諭令酌量添調兵勇嚴密分布以堵奔竄之路

母稍疎虞

大臣李星沅由柳州視師武宣薨於軍

星沅以諸將不協如武宣調和之疾作疏交關防周天爵而薨先是星沅請簡重臣以一事權乃命賽尙阿節制廣西星沅回湖南會辦防堵至是復諭賽尙阿馳接欽差事授鄒鳴鶴巡撫令星沅回籍養病諭至己前薨矣

平南團練禦流賊黃三妹於邑南麻洞墟張駿聲陣亡

麻洞毘連平南會里三妹踞焉駿聲獲謀鳴兒四獻縣誅之越日戰潰駿聲陣亡

巡撫周天爵提督向榮都統烏蘭泰疏陳東鄉事情

韋昌輝踞東鄉之村頭村其地西至東嶺二里墟三十餘里以爲東鄉門戶以台村靈湖之淤田爲關欄以山鞍嶺爲域限以莫村十餘村爲埋伏精銳大半悉萃於此西窺武宣則由涼亭新路口而西北窺象州則由二塘墟大林小林而北其間山徑崎嶇最易奔軼天爵榮等飭兵勇分番巡緝自二月二十二日至該疏陳時計擒大小頭目與曾經接戰之洪軍共二十二入江路自武宣至桂平之碧灘百餘里凡渡口十餘處以水勇七百福勇三百五十晝夜梭巡獲洪軍右先鋒湯亞才凌遲處死至於見仗堵斃者則舊縣勒馬滑石平冲洞尾崇響碧灘等處皆因爭渡

截殺羸斃淹溺者數百人又售入毒鹽致斃者日復不少而官兵受瘴病斃亦所在多有奏俟滇黔兵到休息一二日挑選兵勇一攻東鄉一攻東嶺可以一鼓偪入羅淥洞中烏蘭泰又奏四月初三日抵武宣軍營訪詢滋事情形土匪十餘股皆烏合之衆凌十八會匪一股亦類土匪惟武宣東鄉一股衆至萬餘寔廣西腹心之患若將此股殲除各匪不難次第撲滅見在兵力尙單該黨旣兇勇死鬪且伎倆詭譎止可相持嚴堵以待續調之兵再酌量進剿武宣東鄉地勢四圍皆山西臨右江中間平陽不過五六十里間有小山重嶺其中大小村墟六十餘處東鄉一帶

均被該黨占踞四面隘口早經署撫臣天爵提臣榮分撥
兵勇扼要堵截俟兵力稍齊即可分路進剿奏至帝諭令
周天爵向榮與烏蘭泰會商勦辦設偵選鋒嚴防竄逸設
法斷其鹽米接濟俾食用無資進攻更易得力如兵力不
敷斷不可深入重地致墮奸計

四月大臣賽尙阿出都

初九日賽尙阿陛辭出都賞遇必隆刀壯行奏帶侍衛開
隆阿天津總鎮兵長瑞甘肅涼州鎮總兵長壽及軍機章
京戶部主事丁守存聯芳等十餘人火器營烏蘭都等京
兵二百餘名撥銀一百萬兩又由內務府廣儲司撥內庫

銀一百萬兩以助軍餽

五月戊子洪軍入於象州巡撫周天爵提督向榮等責降有差

周天爵革去總督銜無庸暫署欽差大臣辦理軍務卽回省暫署巡撫事務向榮秦定三均著拔去花翎與周天爵一併交部議處

巡撫周天爵等因洪軍由武宣入象州劾鎮將秦定三等並自請嚴議

天爵榮烏蘭泰等以三月十七日貴州鎮總兵秦定三列營在北屬進營大林以堵洪軍北竄象州之路而秦定三

力任防堵不肯移營自二月至三月洪軍屢瞰大小林之路亦屢被擒獲四月初十前後連日大雨天爵遣人密入洪軍營壘偵知數日內洪軍必北走東嶺由落梅走東鄉大林小林趨象州之廟旺飛檄定三於大林小林倍加防堵定三未發一兵十六日侵晨報稱夜間見大林一帶燈火洪軍已拔營去天爵等派練勇及貴州兵紮營大林力截北竄之路定三夜間並不接應遲至辰刻並未出兵追剿天爵速到黔營定三始帶兵一千北追又屬貴州平遠協副將周鳳歧出兵接應鳳歧固執不肯會報十六日天爵先遣之劉季三等勇隊至官轎塘與洪軍接仗洪軍無

心戀戰當卽追殺定三揮兵三千餘踴躍轟擊戰方得手
定三謂兵饑渴斂兵折回衆軍隨之南走經天爵等嚴飭
始離營再追洪軍已全至廟旺都司常啓雲不聽將令阿
附定三亦同退回等情具奏請旨將定三周鳳歧先行治
罪常啓雲革職拏問楚兵時歷三月並無一戰亦屬玩視
湖南靖州協副將博春湖南永綏協副將和春請旨革職
仍留軍營効力贖罪臣烏蘭泰到營未久所有督兵無能
不能使將士知畏併力一心皆由臣天爵臣榮之咎並請
交部嚴加議處不得置身事外仍在軍營効力天爵又奏
提臣向榮本有才氣胆略因曲徇其子向繼雄楚兵迄不

誤將誰責乎朕已諭知烏蘭泰務將不和情形密查復奏
又曰湖南副將博春和春統帶楚兵何以時歷三月並無
一戰向榮屢著戰功何以周天爵參其曲徇伊子致失人
心詳閱陳奏各情皆因統兵大員不和以致觀望貽誤周
天爵忠直素著向榮奮勇爭先人所共知而近日徐廣縉
亦有參劾該提督諉卸觀望之奏是否實情秦定三之心
地朕亦深悉烏蘭泰甫到軍營無所用其回護其所以不
和實在情形自己訪察周知是否係周天爵不善馭衆致
失兵心抑係向榮秦定三等各有徇私觀望之處著卽查
明密陳毋稍隱飾

潯州府縣等官以縱寇分別革職拏問有差

周天爵奏據控查參潯州府等官請分別革職拏問諭曰
廣西武宣縣生員王作新前經呈控馮雲山等在桂平習
教結盟一案已革潯州知府顧元凱丁憂桂平縣知縣王
烈事前既毫無覺察迨經控告到案又不赴鄉親查嚴行
究辦江口司巡檢調補廣東省巡檢王基專司緝捕乃既
疏於查拏又復任聽賄屬吏治廢弛至此已極必應澈底
根究王烈王基均著革職同已革知府顧元凱一併拏問
交鄒鳴鶴提同府縣幕友人等嚴訊確情按律懲辦

官軍敗洪軍於象州

洪軍營象州東南百丈新寨中坪一帶皆傍山依險辛丑
 周天爵向榮烏蘭泰等奏稱彼處形勢雖險糧米無多勢
 必思竄臣等會商以桐木為東路總彙逾桐木而抵修仁
 之石牆為東路入省咽喉由羅秀而趨寨沙鹿寨運江為
 西路入省咽喉是桐木羅秀最為喫緊須重兵列營相拒
 故臣榮紮營桐木云二十七日賊由鼇村馬鞍山分七股
 撲營貴州威甯鎮總兵重綸等令各營靜待用大砲對擬
 迨洪軍逼近一然衝擊遂成血路約斃數十人洪軍大駭
 退而復住連擊不支始行逃逸

又說云洪軍由武宣竄象
 州中坪初八日烏蘭泰率

貴州三營駐梁山向榮駐中坪東雲南昭通鎮總兵經文
 借駐寺村土洪軍營十里初十日洪軍四千渡河撲官

軍擊斃之洪軍千餘名復糾黨攻武宜官
軍迎擊之三戰三捷參平定粵匪紀畧

六月初九日官軍進逼東鄉洪軍舊營

六月初四等日中坪洪軍退守東鄉舊營並侵桂平縣之
新墟烏蘭秦向榮等連日追勦殺斃頗多初八日洪軍越
嶺分走小路兵壯連施槍砲斃之初九日官軍進逼東鄉
斃洪軍數十烏蘭秦督放火箭榮策馬當先手槍斃執旗
目兵二馬中砲不能行守備蔡應龍以已馬代之應龍步
行短兵陣斃三人洪軍始敗回守村不敢出

按洪軍在象
武為我軍所

扼不得上竄乃拆回新墟至紫荆卡守兵單薄不能禦武
舉阮某死之洪軍既入遂分黨守隘以莫村為老營新墟

為特角西自紫荆南
至安衆營洪軍茲矣

十一日洪軍韋政偷渡盤龍河署桂平知縣李孟羣督兵連敗之

洪軍二千人由思盤搶渡爲團練擊退復由盤龍河偷渡孟羣令守備李進榮堵截下游親率練兵八百餘馳赴盤龍水口韋政手執白扇各頭目執黃旗納喊而來孟羣督壯丁連施巨砲斃洪軍四十餘明日洪軍又欲偷渡進榮督把總劉正林抵擊會左江道楊彤如知府張其翰添派壯勇十三日洪軍二千餘在田坡排列旗砲分伏竹林官兵四路夾攻洪軍退竄上龔村兵勇奮力勦殺斃洪軍百

餘擒獲二十餘名

又

說洪軍

以二月

由石

頭

脚

道

紫

荆

半而伏田間有聲為石傷歷而死一股按兩冊互有詳略存官軍
考以備

二十七日官軍進攻新墟敗之

經文岱張敬修等由馬鞍嶺雞公嶺進攻新墟莫村東面
李能臣王錦繡等由新羅塘甕窰進攻新墟東南面上瑤
十八村團練千餘人以護甲砲聲火箭為號出羅旺過河
直撲新墟烏蘭秦同總兵秦定三由思盤過河約李瑞王
夢麟等嚴堵古城均鴨化隘口以防逃竄護甲者其地積
沙可涉實莫村洪軍營壘後面烏蘭秦乃由護甲潛行過
江二十七日甫接戰洪軍即退走烏蘭秦知竹園村竹木

叢雜便於設伏先令定三伏兵而文岱敬修率隊二千餘由馬嶺等進攻新墟正東瑞夢麟撥兵八百於新墟東北截擒逃軍達洪阿督兵過思盤渡走安樂塘攻莫村之北新墟之西南烏蘭泰復督定三過思盤渡攻新墟西北塔紫荊山口兼防金田伏軍且戰且進自辰至未斃洪軍四百餘人勢大挫逃回其山內老巢星羅綦布拒守進山隘口綦嚴巴清德向榮乃先探山徑將以兩營於明日寅刻分路進勦先期密派兵勇乘夜走間道翻山至豬崽峽雙髻山等處繞洪軍上路合擊令總兵劉長清以川兵四百由崇響越山攻豬崽峽參將巴彥布等以漢屯川兵義勇

仁勇約千二百餘攻冷田黃菽嶺署總兵松安等以皖楚
兵八百攻猪患峽中路其餘各要隘則以弁兵潮勇分攻
巴清德總領京營員弁及漢屯兵勇會榮直進中路洪軍
於正面山峽內設伏阻截木石槍砲並發山路險窄官軍
致有損傷巴清德嚴督兵勇分由兩旁進勦禁毋退縮官
兵直攻峽穴洪軍漸不支乘勝進至要口斬馘甚多遂奪
回猪患峽而雙髻山洪軍見官兵占據隘口木石槍砲如
雨幾不能前巴清德令暫勿動俟彈罄則奮力迎擊復令
參領福曜火箭焚其望樓延及火藥桶一洪軍始驚潰官
軍繞出洪軍後上下夾攻洪軍逃竄官兵搶上山頂併力

窮追洪軍由山徑小路南竄追奔至三十餘里殺斃無算

按·洪軍踞新墟以紫荊爲後路屏蔽分黨守雙警山季

由三倍鄉山西北越嶺至田泗山可繞洪軍後乃言於提督

向榮從之兵以某潛至東鄉平隘墟夾攻其南至日霧大

三洪軍遂潰逃竄新墟向某嶺出於是烏蘭泰移營三合

水巴清德等約二十八日前後同進烏蘭泰由下窰過河

見小村內有洪軍搖旗卽回過北河洪軍果由前面平岡

擁出直趨竹圍定三以砲轟之食頃伏屍遍地卽窮追之

洪軍拚死回關烏蘭泰激厲兵勇愈戰愈奮直至莫村老

營又殲斃數百四散奔竄餘皆遁入新墟天已昏黑始斂

兵回營計共殲戮數千名

據安賽尚阿奏洪龍一帶駐新

坪以挑蕭朝貴楊秀清在內後紫荆山內花茶地洪大

軍扼要屯聚最口後路徑有該軍守險並有堵守烏爾勞

在等紫荆山後為東路西期知會各荆山於提督向榮日兵

泰兵並知會向榮百餘名由山放砲間道涉內渡河整是日鳥

敵隊由退回忽聚南來漸至洪二竹林後烏蘭泰即合秦定

後整隊預備時莫六百人及大竹林東抄官屋兵已勇火

槍砲迎出傷無數齊發前隊俱已後隊飛奔其落後者均由南

刺死此鳥蘭秦進兵大隊之詳細情形也總兵李能一臣於

前進灘干村四五千該處有李能臣二道兵練伏住勿動將

柵並	移持	里處	文兵	人敬	地立	對勇	倚香	軍兩	襄施
五派	逼一	洪左	僑盡	官修	過飭	河出	亦黑	分路	督槍
座令	山時	軍山	獲起	兵分	河兵	拒隊	先當	三火	將砲
直陳	角許	鳴右	勝奮	詐伏	離線	敵至	接卽	股攻	弁洪
探瑞	至山	角水	之力	退薰	新砍	兵古	烏撤	迎洪	燒軍
至芝	屯勢	放羊	詳攻	敵林	墟竹	勇埔	爾回	敵軍	熾紛
猜帶	應過	砲賜	細擊	果飭	四木	齊村	秦此	自不	洪紛
憲湖	村陡	隘險	情銳	涉弁	里札	放有	知李	申能	軍倒
峽勇	聚不	石峻	形氣	水兵	許饒	槍古	照能	至藏	哨地
該入	營能	阻一	也百	來前	見二	砲秀	於臣	西伏	樓自
處山	差攻	我起	是倍	追往	薦十	擊河	二進	洪敗	一已
兩探	人入	隘一	日向	官新	田餘	斃一	十兵	軍回	塵至
山路	上二	路伏	榮至	兵墟	一架	多道	七獲	敗三	洪未
並連	山十	官兵	亦申	且誘	帶用	名不	日勝	退里	軍洪
峙燒	攀八	兵壯	出斃	前敵	足作	敵能	會之	新村	伏軍
中賊	藤日	亦連	隊匪	且良	可浮	即涉	同詳	墟官	竹敗
通棚	附向	開爬	至數	却久	覆橋	退渡	張細	官軍	林回
一五	葛榮	大山	雙百	誘敵	伏兵	去洪	敬情	兵奮	放干
核處	直親	砲嶺	雙百	至出	遂勇	經軍	修形	進勇	砲村
十砍	上督	轟計	營人	塵二	密如	文數	督也	攻直	演李
分倒	山兵	擊十	脚此	田千	與履	倚百	帶經	天攻	黔能
陡木	嶽壯	相餘	該經	伏餘	張平	等人	兵文	已洪	兵臣

三六 粵東編譯公司承印

險洪軍先將大石塞路官軍仰攻人力難施另覓路徑
以圖進勦此向策連日進攻紫荆山之詳細情形也

七月十五日官軍攻奪洪軍於雙髻山

初十日卯刻達洪阿烏蘭泰進兵先期約總兵李能臣副將王錦繡以兵勇千七八百人由新羅塘等處攻新墟東南副將清長以黔兵過河面西列秦定三率參將巴圖以廣東兵四百過河面南列河中有沙岡一道則以楚黔兵埋伏接應約畢洪軍四面蠶擁千餘至不及黔兵半里見官兵隊整持槍不發退避南邊林後而別以偏裨伏西面林內兩林高坡突出五六百洪軍直撲湖北香山隊湖北兵砲斃七八十名洪軍即退回忽南林繞過五六百洪軍

湖北貴州兩隊勢難支持張敬修王錦繡先後追擊殲斃
二三十人始退我兵追奔過河敵已遠竄二十七日敬修在
赤土村與洪軍接仗斃數十名生擒數名巴清德向榮遂
督兵深入紫荆山中有風門坳兩峰並峙該營勇先斷山
下路而壘石安砲於坳上兩邊山梁復起望樓及草棚數
百間以爲踞守巴清德向榮乃與各鎮籌商非三路齊進
奪據山梁不能拔此險隘遂以潮勇爲頭隊四川湖北兵
爲二隊由中路進武生劉孟三等提勇爲頭隊湖南兵爲
二隊由東上山抄敵之左陶昌培陽瑞乾爲頭隊廣西兵
爲二隊由西上山抄敵之右一面飛致烏蘭泰前路揚旗

放砲以分敵勢八月初二日銜枚疾走至山麓齊放槍砲
 進攻洪軍棄隘奔走立將風門坳奪回洪軍墜崖死者無
 數追奔至古調村外抵死拒戰官兵擲火彈焚燬村房洪
 軍從村後逃復將所占各村燒燬已去新墟不遠寅刻巴
 清德向榮督兵進至平山方度地列營探報敵千餘藏古
 林社內乃撥兵迎戰長瑞劉長清率川楚兵由山梁橫衝
 殲斃數十洪軍仍由村後竄時烏蘭泰亦令開隆阿能臣
 敬修砲斃洪軍五六百名

探冊云張敬修一軍駐四面新
 以大砲自蓮塘廟高阜轟擊

墟典庫望樓崩其一角洪軍遂分三隊一自古練滿
 一自羅村渡江左右包抄將至乃以一隊由中路過馬蝗

橋官兵見賊至福
 洲遂棄砲而潰

八月官軍連敗洪軍於新墟

賽尙阿奏畧稱初九日烏蘭泰帶同侍衛開隆阿總兵秦定三行近孔村督搜探莫村以南俱有砲台北面三家隴大墩嶺干村一帶燒燬並燒干村洪軍奔新墟官兵追至墟口初十日烏蘭泰同開隆阿等帶兵到步安橋一帶彼終不出官兵焚燒三家隴木寨突出百餘洪軍我軍迎敵該軍復退十一日有洪軍數十過河劉長清帶兵往捕彼卽逃回十三日該軍六七百人突至孔村烏蘭泰帶兵往勦該軍飛奔回巢我軍追至干村放砲轟擊該軍不敢復出孔村練長連報洪軍七八百由護甲過河南竄烏蘭泰

因約巴清德向榮於十四日同時進攻一面分布隊伍一
面挖溝築壘該軍一股由墟新撲來一股由莫村撲來當
令胡奉仲趙榮升劉長清等分路進攻埋伏烏蘭泰與開
隆阿各帶兵接應秦定三在北面督兵該軍大股分而爲
二一撲湖北隊一由竹林繞撲離半里許卽開槍砲官兵
俟其漸近開放小砲轟倒十餘人該軍抵死喊撲官兵用
槍砲同擊該軍且戰且退約百步復開槍砲竹林後一股
已被慶福伏兵用連環槍擊倒無數官兵追出竹林該軍
亦於林後留勇接應烏蘭泰見正南喫緊留開隆阿照料
西邊調嚴承恩赴南面接應莫村大股一半撲正南一半

藏大茶亭後其南撲之洪軍見官兵開槍卽轉西去兩股
合撲官兵槍熟藥盡飛將田學韜隊調來該軍不支復退
百餘步東南槍聲又緊開隆阿飛赴接應見莫村彼軍復
分兩股一被慶福之兵擊退一衝劉永鈞之隊我兵橫擊
該軍又撲廣東兵隊開隆阿親放鳥槍擊斃二人該軍始
退入坡下溝內伏身轟打我兵稍退誘之使出其時李能
臣張敬修兵勇趕到該軍仍奔溝內官兵下坡追殺該軍
及林後各勇聚成一處約四千餘人且住且退北面干村
又來一股約五六百人天已陰沈卽令兵勇往北迎擊以
便就近撤回不料該軍盡數追來前軍回走已遠烏蘭泰

憤極下馬誓拼死戰官兵奮勇回軍殲斃無數敵始敗回官兵追至後嶺是日轉戰四時之久前後擊斃該軍三四百此烏蘭泰一路自初九日至十四日接仗獲勝情形也又據巴清德向榮稟畧稱各路官兵於初九日圍攻新墟先於初八日派兵勇十餘營偃旗息鼓而至拋擲火具敵見火起擁出千餘開砲抗拒巴清德向榮派兵接應該軍占樹林官兵四面抄出殺死多名賊始遁回新墟初九日出隊分兵兩翼沿河而進武生王發魁等各帶勇助勢官兵甫抵古林社外該軍傾巢而至約三千餘人分隊迎出新墟數里開砲副將奚應龍等開放槍砲逼近轟擊點放

火箭射中該軍望樓登時然燒天津鎮長瑞綏靖鎮李伏
督兵焚燒該村擊死執旗弁目一名斃敵數十名仁勇陶
昌培等正在過河助勦風雨驟至徐徐撤退該軍冒雨趕
來短兵接鬥因雨滑敵亦未敢戀追初十日探報洪軍數
千傾巢而出撲直大營卽飭鎮靜以待瞥見左山脊有騎
馬洪軍五人黃旗十餘桿分據山梁開砲轟來左山梁一
股約二三百人搖旗助勢巴清德向榮卽令提勇上山截
其去路又派兵勇由後營上山助威各股洪軍攻湖南營
盤當卽派陳瑞芝等帶兵勇分擊迎敵短兵相接斬首三
千餘顆直追至古林社始行撤回十三日巴清德出隊至

古林社該軍數千早伏新墟外之擋牆內卽督兵直前攻
勦該軍倒地不少相持四時之久敵終不出傍晚收兵此
巴清德向榮一路自初八日至十四日獲勝情形也軍洪
自竄出紫荊山後勢已窮蹙但新墟地勢竹木茂密溝塍
極多該軍復密設木壘砲台築牆固守一時未能攻入訊
據獲俘供稱見在拆取房屋竹木紮造陣窰冀由石咀渡
江南竄因令南路水勇撥船防堵並派委員陳瀚在石咀
一帶巡邏此股洪軍若南竄過江不惟桂平等處大遭蹂
躪且搶掠裹脅勢必復熾已令署總兵李瑞等在古城均
鄧塘水埋伏復經烏蘭泰撥兵接應其鵬化里內七十餘

村已飭居民將積谷搬移前伏後追較之困圍死鬪尤易
爲力奏至帝溫慰焉

又據片奏以探得新墟洪軍紛紛爬越後路高嶺逃竄恐
其分作數路牽制官軍諭令防其詭計並以見在敵首韋
政楊秀清馮雲山等均在圍中諭令設法誘擒勿令竄逸
洪軍於墟外加築土墻並於地上盤旋難保不別蓄詐謀
不可不防

官軍分路進勦洪軍趨永安

洪軍被困新墟鹽糧將盡欲以竹筏潛由南淶石嘴渡江
往貴縣鬱林等處沿河防禦甚嚴不得間十六夜遂火新

墟擁衆由大簡山奔鵬化花洲會烏蘭泰飭各路嚴防佛子嶺登高廟胡村令李能臣會張敬修進勦劉長清赴莫村新墟搜捕急由登高廟入山烏蘭泰入黃茅界偵知洪軍數百占奪明山練勇營遂督兵進勦將至山口前路已掘斷洪軍以砲我軍以抬槍抬砲由嶺上下轟擊洪軍退東行官兵砲斃四五十人村中俄出洪軍五六百持槍砲來攻官兵後隊從旁橫擊始退官兵由西小路魚貫下繞過山頂路又掘斷乃用巨砲向村猛擊洪軍退竄山頂南北走忽抄黃茅界後烏蘭泰急將後路接應調回派兵西上山則敵已伏山腰遂留開隆阿照料而調秦定三在登

高廟策應行至平山兵饑甚暫在黃茅界登高廟一路營
焉李能臣王錦繡督兵練焚新墟追至新羅敬修至水棍
村砲斃數十洪軍棄輜重攀山越澗走追奔二十餘里至
新羅敬修墜馬傷足知州張玉衡率勇衝敵後隊斃敵二
百餘並斃該軍師周錫能及該女官一生擒該司馬楊繼
昌平南知縣倪濤在獨峰山以練壯殺敵數十各營接應
復斃敵百餘洪軍三路分截約數千人練壯退冷水冲會
蘭烏秦王錦繡率遊擊馬福等至羅碧村殺斃二百餘經
文岱自古狼渡河巴清德向榮乘夜移營佛子嶺十八日
巴清德向榮偵敵由石門出至思旺欲營橫嶺攔截天雨

不能進忽敵七八百由村擁出官兵力擊敗之遂平斷路
魚貫下山風門坳洪軍五六百砲官軍兵駐平山文岱督
兵進邀之洪軍方渡河乘未濟砲斃二十餘名敵退官兵
追至大旗嶺山徑陡險乃分兵駐守風門坳二十日烏蘭
秦連營前進洪軍尙有千三四百藏山內一路追勦擒斬
甚多追至龍街敬修由下窰移營平南得勝橋聞洪軍由
思旺竄巴清德向榮移營橫嶺前隊已渡河遇伏催兵速
渡至官村廟方渡營敵由思旺傾巢來犯互有殺傷忽松
林內衝出洪軍七八百欲抄我軍後卽撥兵勇由嶺後壓
下槍砲連環轟擊洪軍抵死不去楚兵藥濕不能彈稍卻

王舉縣龍古南以扼平南州之象州路駐南則面某
 思盤縣勇駐南以扼平南州之象州路駐南則面某
 軍駐公山壘夕窰以扼大舍江柱編筏伴為渡署江不可勢烏不
 密矣洪軍乃日壘夕窰以扼大舍江柱編筏伴為渡署江不可勢烏不
 軍移營一夕為敵潛乘拂色自水視壘渡江以登其上窰窟百至
 中秋後一易洪軍所撲弗克自水視壘渡江以登其上窰窟百至
 步頂下馬鬃界至鵬不遠官軍聞洪軍北進及至息鼓滅其火地
 去王舉龍鬃古城皆不化官軍聞洪軍北進及至息鼓滅其火地
 而不敢議其後者洪守平南化思旺向八倉入大移同分
 之不利軍械俱失退守平南化思旺向八倉入大移同分
 一兩股一由濠江永安帝聞報以李瑞王夢麟紮古城均之

經文岱等駐鄧塘水李伏管帶楚兵均未能遏洪軍奔竄
 路實難辭答李瑞王夢麟均著摘去頂帶仍交部嚴加議
 處李伏經文岱均著交部嚴加議處仍一併留於軍營責
 令立功自効巴清德向榮長瑞亦著交部議處仍著會同

烏蘭泰等合力兜勦

羅按大府志入千餘人先開山洪路薄悉永安出

城別股由大旺墟入船藤三十大餘號沿二十餘平戰時許斃

賊百餘旋有二十日九日賊連被上縣三江口練兵擊敗賊不

能出遂蘭永安知州吳入江三樂協副將阿爾精未倉明日

洪乘投非南死阿爾一精夜阿斃於破秀全入居城中烟分紫守水

南莫章遂稱號天王石迷楊秀清王洪全朝德西秦日網胡

以珙等丞相軍師有差官軍攻洪軍食有斬獲乃出

樓城外日夜轟擊途克莫村水資洪軍食有斬獲乃出

小年二月十六夜洪隊先鋒我軍擊追陣擒大全由古樹乘

勝逐北夜入龍察軍撤賊聚大關死無日算總明兵長瑞長壽

破山谷間抵擊官軍驚退踐關死者無日算總明兵長瑞長壽

董先甲邵鶴齡陣亡島清室大勢及發卒洪軍由是撲

桂林陷全州渡湘而下清室大勢及發卒洪軍由是撲

桂下系志卷三三 紀事 紀事下編 四四 粵東圖譯公司承印

附洪軍首要小史

非本志出於本例列傳非而洪秀全不立大國事

於江南清兵與戰十餘年始定其基始實平人欲究始能

不究其始末其從秀全而去者不必為桂平人欲究始能

洪秀全身癡肥略識字父母早死素飲博無賴與馮雲

山倡上帝會秀全為教主詭言鑄鐵香鑪成可駕以航

海桂平曾玉珩家小康延秀全訓蒙塾中其族女弟之

夫蕭朝貴武宣人亦家桂平與楊秀清比隣遂相結納

於是桂平韋昌輝貴縣石達開先後相率入教秀全病

危愈云死七日而甦能知未來事謂舉世有大災非拜

上帝會不能免會以白銀五兩為香火貲男婦以兄弟

姊妹稱故秀清輩兄事之秀全知無術不足惑衆乃附
會耶蘇教而張大其名曰耶蘇之父曰耶和華有二子
焉長曰耶蘇次實秀全也因稱耶和華天父耶蘇天兄
諸稱號必假天寵之與雲山盧賢拔等造真言寶誥諸
書密爲煽布潛蓄髮山中嗾誘毗連之武宣藤縣陸川
博白諸州邑人心浮動附者益衆遂於三十年九月起
昌事於金田會中嚴別男女夫婦同居謂之犯天條不
祥當斬然必挈家室別館以繫戀之所過輒焚房舍絕
人望初踞永安改號太平天國稱天王至長沙聚衆呼
萬歲咸豐二年陷武昌順流下長江擄民船萬餘艘民

男婦四五十萬人氣燄不可遏三年二月初十日陷江甯蔓延一十六省陷大小六百餘城造宮室輿馬服飾色尚黃王黃袍繡龍冠如之侯以下袍黃指揮以下紅男女皆巾首雙委下垂旅師以上色黃下則紅故俗呼曰紅巾東西南北翼五王皆黃旂廣丈至八尺人殺五寸而以綠白紫黑藍綠別之僞侯丞相以下黃旂三角緣以紅將軍至監軍三角不緣色如之凡降一級旂率殺五分諸官以數萬計王亦分五等五王及千王仁玕安王仁發福王仁達爲一等英王陳玉成忠王李秀成侍王李侍賢爲二等堵王黃文金聽王陳炳文鬆王陳

德鳳等領兵者爲三等邸王仁政昭王黃文英等或宗族或首要兄弟連類受封者爲四等其初有功始封後則渠率無不王矣王凡二千七百餘人軍制萬二千五百人爲一軍軍帥統之將軍一總制一並轄監軍監軍轄軍帥軍帥轄五師帥師帥領二千五百人師帥轄旅帥旅領五百人旅帥轄五卒長長轄四兩司馬兩司馬領五長五人伍卒二十人凡二十五人及戰有牽綫螃蟹百鳥伏地諸陣名爲首者咒殺雞入血酒中人予一杯云飲此足避刀劍實則亂其性使猛戰故名曰發猖對壘時乘煙燄脫衣擲空或縛艷女竿上舉之謂令官軍

見之以爲能飛也初踞金陵毀制府爲宮窮極奢僭楊
韋石三人建府馮蕭早授首其子亦襲建如之凡授王
例得建府率併數大家營造之同治三年五月二十七
日大軍逼江甯城垂克秀全仰藥死賊平購其尸焚之
或謂秀全姓鄭道光二十五年至廣西入洪德元添香
會德元死遂冒姓洪云子福瑱

福瑱秀全長子秀全有婦八十八人福瑱第二婦賴氏
生初名天貴後加福字爲天貴福九歲卽配四婦稱幼
王娘秀全死羣帥擁立之時年十六造璽名下橫列眞
王二字人誤以福瑱名之六月十六日王師克金陵福

瑱惶急忠王讓善馬使逸遂由安慶廣德往浙江湖州
竄江西廣昌匿石城荒谷中游擊周家良搜獲疏聞上
以小醜不必檻京師就江西凌遲死

大全湖南衡州人少應童子試狂悖敢大言亡命粵西
與秀全聯宗誼號天德王姓狼毒而外假仁義擄人十
則留三禁無姦殺衆以爲賢楊秀清獨心忌之在永安
突圍出我軍陳擒之賽尙阿令郎中聯芳主事丁守存
檻送京師賊謀追奪不及半程巡撫鄒鳴鶴飛檄令倍
道進七日至全州守存知大全衡山人多死黨乃聲檄
衡州驛料護而潛由祁永水程出長沙至則給之曰衡

州矣大全出望曰長沙也吾死矣遂俘京師磔於市

仁發仁達秀全異母兄楊秀清禁不令聞軍事仁達嘗失律當斬秀全令肉袒謝罪不獲已乃杖百欣然受曰天父憐也秀清死封仁達福王仁發安王並用事成春球琳未知族輩嘗寇三河桐城間誅死于王仁玕秀全同祖弟楊韋相屠秀全懼諸王太橫難制故少封及仁玕自河西行乞至喜而王之由是逆宗靡不王矣其親者曰和元利元葵元春元皆仁發等子行也同治三年四月江甯合團有謀獻城者捕獲之下其事仁發得賄置不問李秀成議購米粟爲守禦計仁發欲專利乃令

非洪氏帖不得使顆粒入金陵秀全乏食坐敗仁發促之也金陵既克仁發仁達皆就戮仁玕竄江西就擒與同祖兄卹王仁政同誅死

胡以珖平南武生家素豐初應童子試不售好放言見秀全等妖書深相結納諸首要常聚食其家該黨所謂東道主也入江甯號豫王與諸軍擾江北踞廬州走死林鳳祥貴縣人咸豐三年二月犯江甯先登儀鳳門封侯與李開芳曾立昌分陷鎮江揚州又渡河北擾山東直隸界五年正月官兵克連鎮鳳祥薙髮匿洞中搜獲之檻送京師凌遲死開芳爲地官正丞相亦於是年四

月擒誅立昌踞揚州爲指揮後北竄封丞相爲官兵驅
溺黃河死羅大綱廣東海盜見嫉於濟伍聞秀全起事
走歸之從林李二酋陷鎮江揚州而悍毒尤甚數攻田
家鎮備諸慘惡拜冬官正丞相怏怏以不得封爲恨後
爲水師礮斃於江吉文元亦老賊北竄伏誅又有羅阿
旺范連德起事時與胡以晄同封官後無聞疑殲於永
安矣

何震川象州人爲諸生不第憤激從秀全中該誥文檄
皆出其手而盧賢拔依倚附和之賢拔者封掌朝儀同
將軍天條三字經諸書及官職制度皆其草創而潤色

於震川又有曾水源曾釗揚俱訓蒙胡以珖家入江甯
均以撰書授職朱錫琨在金田時封右將軍長與前一
軍拯危急將軍黃益芸少相善皆勇敢抗官軍殊死鬪
咸豐三年四月衆北犯錫琨益芸敗歸是年十月復與
許宗揚援林鳳祥於山東宗揚亦狡健善戰三將與曾
立昌皆在曹縣爲官軍逐死黃河

蒙得恩性叵測秀全踞江甯時搜良家女充嬪嬙得恩
百計誘獻拜春官正丞相充女館總管女官女巡查日
三至聽指揮女館者從洪軍與擄協之女妻所居也會
衆以男婦隔絕稍稍悔逸去乃設媒官令男女自十五

歲至五十歲報名指配丞相下遞無職例配十餘人至一人爲率由是老少顛倒自裁者數千人女館遂空自各魁相屠得恩最寵信封正掌率雖房闈瑣屑必關白而後行窮極奢慾不數年暴死

林紹璋從破岳州封監軍春官又副丞相咸豐四年二月犯湘潭軍衆覆沒紹璋跳伏湖口數年李秀成薦之李春發掌朝事號章王出桐城爲安慶聲援官軍清皖省衆潰死

曾天養貌悍惡趨捷善騎射洪軍稱爲飛將軍屠陷城邑爲左檢點咸豐四年二月連犯湘潭岳州武昌與其

族錦兼鳳傳二人皆寵於洪楊授軍師鳳傳粗鄙畏縮
敗死天養爲塔齊布擒於岳州梟於城陵磯首重十餘
斤目三日猶視武昌洪軍聞之爲齋醮三日其弟天誥
兇威亞於兄授殿前左二十七指揮天養誅竄磨盤山
遁去

陳桂堂亦以洪黨魁首守江甯朝陽門其黨張瞎子者
名子朋喜殺咸豐三年二月犯湖北至廣德州喜鞭撻
健兒衆怒之有投誠意桂堂馳白秀清改遣唐正財杖
子朋千資金帛犒撫衆如故正財習篙楫爲販商自岳
州從令司水營與桂堂均授丞相子朋坐廢錮數年亦

號丞相章昌輝再踞武漢檢點黃再興副國宗石鳳魁
守之再興知鳳魁將至而官軍復收武漢克田家鎮秀
清以再興不先時啓聞憾殺之臨死歎曰桂堂先十日
至漢武無虞矣正財封航王守蘇州同治二年十月擊
死

吳如孝少爲洋商司出納富兒輩不知其才輕之憤而
從洪軍與羅大綱陷鎮江揚州封總制復領一軍攻東
壩回據鎮江最久咸豐七年十一月官兵克鎮江如孝
跳身走封顧王與陳玉成合兵礮官軍土橋營八年八
月從玉成會捻首龔得樹犯滁州又分踞桐舒等城九

年八月總兵張得勝陣斬於盱眙玉成封英王號四眼

狗別詳紀人列傳又有三眼狗者亦驍健善戰爲提督張國樑

所戮

白暉懷殿右十二指揮咸豐三年五月與賴漢英攻江西敗回又攻陷三汊河踞廬州四年二月上攻岳州城陵磯官兵擊走之爲秀清誅死漢英秀全妻弟攻江西三轟其城幾圯官兵堵卻之猛摯亞羅大綱故喜與大綱俱後失秀清意囚禁之其族子文鴻悍名相埒屢從陳玉成往來太湖宿遷間與官兵抗壘經年大兵困江甯文鴻偕李秀成陷杭州以相牽制及官軍克蘇州不

知所終

林錫保胡海隆張朝爵殘忍好殺迎合秀清意秀清誅
坐黨死周勝坤業質庫與吳可億傾貲助軍封典聖庫
軍中禁不得私藏凡攻劫所得金銀寶貨皆歸聖庫其
愚人專利多如此咸豐四年勝坤督兵日成宗勝梁立
太攻皖屢抗官軍宗勝爲丞相獨攻高純東壩敗往盧
州援胡以珖遂久踞盧州立太爲殿左二十三檢點甚
幸於石達開每出必偕又副秦日綱擾建德東流颺閃
無常從勝坤踞皖爲老巢均殲於皖

涂振興形若猿猱吉志元短悍目有兇光俱好殺志元

授北殿僕射連攻湘潭黃陂孝感官兵追躡黃岡倉子
埠殲於半壁山陣斬殿四十指揮余廷璋封殿四十指
揮斬於小池口振興爲殿左七承宣嘗援陳玉成於鎮
江敗死

羅瓊樹廣東人號羅矮子其族兄曰大綱屢陷江楚諸
州縣授丞相職林啓容魏超成覃炳賢輩寵任常出其
下啓容初爲秀清健兒從賴漢英石祥貞犯江西始封
殿右十二檢點超成擾興國武甯義甯與御林侍衛殿
左二十一檢點覃炳賢俱殘暴冠其羣屢犯建德東流
宿松太湖界當大綱騰威全楚以瓊樹聯絡聲勢屢克

清軍徽甯至漢武間雖小兒皆知羅矮子名府以志上

李秀成原名以文洪秀全代易名秀成藤縣五十七都

長恭里新旺村人秀全據永安州時從爲兵至金陵爲

胡以眈理事楊秀清知其能保爲洪軍軍帥旋調監軍

眈破廬州調把守任爲指揮韋楊旣殺石氏遠遁洪軍

急於用人乃任秀成爲地官副丞相清軍迭困金陵攻

安慶秀成悉以兵解援復破江南大營克蘇常陷全浙

與洋兵戰於清浦上海先後俱獲勝得槍械甚夥饒勇

與陳玉成齊名而大度好施善政得人洪軍中無與其

比所至遇人民急難且死者輒爲施棺發粟貧者貸資

營業不取息破杭州時滿州兵將被獲者安置營中嚴
禁軍士加害不願降者送之回國候補官則資護歸家
清帥張國梁浙撫汪有齡親與對壘而死秀成俱禮葬
之秀全疑其有異志封爲忠王以餌之時洪軍中最重
用者第一蕭朝貴子有和第二秀全長兄仁發次兄仁
達第三仁玕第四陳玉成秀成以見疑故尊任實在諸
人之下而金陵每有軍事則急召秀成抵禦秀全昏瞶
拜上帝諸事託天不修政事仁達仁福輩復逞權貪利
秀成屢進諫不從遂瀕亡滅同治三年清軍蟻附登城
克金陵秀全仰藥死幼主福瑱遁擒秀誅之

約近世
史

鬱林賊鍾玉保踞蘇洞周村知縣李孟羣率團練敗之孟羣
既飭各里設立團練於是附貢生姚勝時大鼎副貢生姚大
鸞等乃立局洞心玉保之亂孟羣進兵鷓鴣村勝時等守中
斷路連日交戰賊勢不支欲由中斷小徑竄回鬱林不得達
遂由中和遁走姚勝恭年七十三被虜不食死之

十月廣東賊李左富擾嶺頭舖團練誘擒之

洪軍餘黨鍾玉保擾上秀里陷古舍村尋撲滅

二年壬子武宣賊謝玉光勾結艇賊大鯉魚等行劫潯州北
河

玉光號大脚三與吳長腰四爲異父兄弟常聚黨數千滋

擾江上是年復結大鯉魚等於北河一帶包船打單四年
豎旂象州與來賓朱阿九象州盲公勝相角殺長腰四六
年艇賊李文茂僞封玉光右護軍築寨於武宣西上里金
雞山助文茂糧攻陷柳州十一年署象州曾某招撫之同
治元年十月暴死其子吳癸友匿其父黨廖八抗拒官兵
五年二月水師李德全說癸友縛獻廖八許以投誠從之
充柳州提標水勇欲假散饟爲名並誅之事洩癸友遁七
月獲於象州古德村歸梟於郡城

春三月團練逆擊艇賊任文炳於平南古雍灘敗之

初艇賊大頭羊大鯉魚捲嘴狗等聚黨數百率戰船往來

潯梧間欄劫商船河道爲梗思恩知府劉繼祖以緝捕到
潯撫之已而叛擾如故文炳收大頭羊餘黨衆至千餘船
數十艘自梧上駛官軍禦於榕潭不克戰於藤縣又不克
遂寇郡城刑部主事劉惠人舉人周溯賢集團練擊於古
雍敗之

四月艇賊任文炳來寇郡城候選知縣張秉亮死之

賊乘春漲再寇郡城秉亮匹馬爲團練先戰於西郊力竭
死之時城中守具未備官民勾勾有懼色賊入縣署劫獄
勒打單銀四萬兩始揚帆上寇貴縣

五月艇賊任文炳復來寇

賊由貴縣下掠將攻郡城署按察使楊彤如署知府李孟羣督團練禦之賊不能肆於是高廉道沈棣輝亦繼至戰於嶺頭舖擒斬數百遁於梧州

七月兩廣總督徐廣縉駐師梧州以遏艇賊貴縣陷於賊署按察使楊彤如軍於潯以巨砲歸廣縉大破賊衆於長洲

初艇賊梁阿長關福任文炳突至梧州守者不能禦駛入烏江中流置砲行劫奪榕潭虎勇砲船入梧州劫獄大掠出復泊戎虛劫商船時僅九艇人數百後艇五百餘人萬餘矣張釗羅阿內乘波山船千餘別爲一隊使先鋒吳結鳳欵於文炳蒼梧知縣張汝瀛捕殺結鳳釗就撫阿炳糾

六千餘人泊大黃江將約戎虛賊回寇廣東四月阿長分遣關福掠象州與梁培友鬪既而復合於是自潯至梧賊目覃七黃十一竄黎軟夏盧墟廖社養竄覃放墟楊阿華竄下灣墟宋阿庭何阿幅梁阿浩黃廣運往來游戈何阿烏胡阿金張運得劉大隻四陳掄元等竄大黃江石嘴墟分布陸路之官洲穆樂馬皮社坡各處而培友統攝之阿長有數千餘人亦泊戎墟結諸匪攻梧州是月廣縉率高廉道沈棣輝副將崔大同駐梧遏其歸路賊方陷貴縣署按察使楊彤如軍於潯調永安巨砲甫至平南知縣倪濤聞賊下駛亟運梧未幾賊集長洲廣縉令以巨砲碎其數

船賊懼返棹東南風大作舟師逼之遂焚舟陸遁擒斬四千餘名福阿長誅於濠江釗誅於藤縣文炳不知所終或云溺死阿長號西南長阿庭號三千磅

艇賊任凱恒犯潯州

凱恒號大麥祿廣東高要人既敗於廣東乃僞爲官兵駛至府城桂平知縣程桓生擒僞先鋒區施旺劉阿有自沈其船由陸路奔匿大黃江尋被擒餘匪分潰桂平貴縣兵練截獲黃阿金吳十四秦桂長梁阿陵關阿達黃阿七溫阿細蔡東安何阿華等九名阿華號大隻華一名九江懷陳賊東五擾北河知縣李孟羣勦之增生余守轍亡於陣東

五尋擊死

三年春正月李賊觀保擾白沙墟

先是二年十二月觀保分黨劫武宣商貨丁壯擊擒張阿飛劉義鳳等十餘人至是復擾白沙知縣程桓生燬沈其船獲李阿社彭阿琛等二十餘人敗入舊峽村分悍黨踞洋塘以拒官兵尋敗竄蓮塘土匪十餘股皆應之次第勦平後由羅淥洞逃匿南淥墟知縣李孟羣捕誅之

夏四月流賊廖社養黃狗兒踞平南六陳墟

先是桂平賊黃狗兒於元年四月擾六陳至是與廖社養合衆自社坡入平南六陳踞之劉彥文傅楊清謝雄等率

團合攻始颺去

十六日貴縣賊傅三妹黃阿得三擾羅秀及平南六陳等處團紳姚勝時等集團練擊走之

三妹阿得三由中和擾及羅秀六陳等處鋒甚銳勝時等度練勢不能敵乃自備芻糧招羅播平山都合之團約三四千人與李彬賢駐於舊地山四月賊由六陳復竄羅秀團練三路要擊賊樂夜走斬馘甚多

六月初八日土賊黃十一踞社坡團總張顯等陣亡

秋八月流賊廖社養黃狗兒踞穆樂墟擾及平南境團練禦之不利團紳胡應元陣亡楊翠新被擄

匪踞穆樂擾平南良凡廖村厦廬應元翠新等集團守禦
賊以馬隊衝陣團練潰翠新被執應元轉戰至月三橋遇
伏受十餘創陣亡

貴縣賊邱二娘率黨三千餘攻武平里團練擊走之

二娘橋墟人年三十許每裏頭督戰悍賊甘受鞭撻不稍
退若忘其爲婦人元年與黃阿左阿右合踞覃塘至是由
仁潭攻武平團練拒之遂潰走己而竄石龍團練砲轟落
馬死

平南知縣李載文率團練平土匪蔡十八於桂平思界

十八素機警勾縣役蔡成偵官舉動十三日載文陽檄李

誕祥率團練捕盜大烏十五日黎明掩至思界執十八等
十三人誅之歸戮蔡成於市一縣皆驚復往河口勦陳仲
善平其巢

冬十月賊陸大壩踞麻洞

大壩有衆三千餘人知縣程桓生勦之散入蒼洞羅播八
伯各村落

十一月流賊廖社養黃狗兒踞平南大烏墟團練躡攻之於
新墟橋竄去練長盧聖綸陣亡

初狗兒以十月破黎軟落洪各村是月初三日社養狗兒
破大烏墟據之焚劫旁近各村鄉梁熙祚傅楊清等率練

環攻至十二月十九日賊往攻燕嶺武林團練躡其後斷
新墟橋擊之賊敗撲水死者百餘人明日遂挾輜重走度
沙塘追殺無算聖綸亡於陣

貴縣賊黃鼎鳳倡亂山東石龍劉何連廖阿花四應之武宣
賊黃六倡亂朗村章祖芬六村墟張阿就金鷄石龍黃蒜頭

四應之

蒜頭四訪册亦
作桂平新墟人

四年二月二十六日流賊胡阿金寇古宿嶺尋及賓山大宣
各墟落

三月艇賊何晚由象州敗回結陳溶由大黃江攻思旺竄平
南知縣李載文邀擊大破之

何晚又曰何滿廣東東莞人故號東莞晚二年以勇隨師
柳慶三年九月與柳城張英叛竄修仁荔浦欲攻維容爲
知縣楊毓麟拒走柳城對河墟何阿烏四胡阿金謝阿三
莫祥泰數千人附之敗於象州遂結陳溶由大黃江攻思
旺過平南載文邀之禽僞先鋒陳昌發賊始竄去

夏四月艇賊梁培友梁昌撫而復叛

培友廣東鶴山人其先亦田芳黨也道光末年艇賊劫掠
江上潯梧河梗培友與區潤馮釗吳坤諸目駕巡船護商
貨往來屢敗艇黨二年四月艇賊逼象州與官兵夾擊連
勝之培友名大著至是我軍時羈縻之藉以援應培友遂

建柳濬道府旗幟名爲巡緝與昌就撫旣而叛去昌號大
口昌濶號玻璃濶

陳賊溶擾平南鵬化路三等里擊走之

溶新墟人稱大聖堂號黃蒜頭四初與何晚合股是月劫
鵬化團紳李炳章家越月出攻路三里高田堡戴觀觀擊
走之竄擾大同里吳紹熊等堵殺百餘名遂轉劫川一里
寨嶺河頭各堡復爲盧守珍等擊敗當賊之擾大同也知
縣李載文由八洞巡檢浦鎔由大峽分路進勦擒賊目胡
阿長蔡坤二等溶竄永安時有陳倫元一股由鵬化走大
同過藤縣載文截擊又擒賴阿孫何阿烏四殺數百人

貴縣賊何天來由大塘新墟竄擾小平山

天來橋墟人與梁華隆梁十二謝三狗皆何明科餘黨也由大塘新墟出擾小平山六合六指羅村竄入鬱林北低墟團練擊斬天來餘匪出六石堡黃李山潰散

五月李賊阿攝何三由大黃江竄平南思旺墟

阿攝何三白沙人與土匪陳十三翁阿八黃阿孫黃本培李阿安梁阿福黃七時關阿發蔡阿丙謝朝忠茅阿蓉簡阿存陸道清岑日清劉阿全等十餘股入思旺時武宣東鄉黃元娣桂平蒙塘魏四大黃江梁阿芝貴縣劉阿黑四等皆集思旺遂與合黨平南知縣李載文擒誅阿攝等十

餘人黨遂散

土賊黃矮三黃十一由蘄竹破平南善勞村團長莫定光等陣亡

是年四月矮三糾黃狗兒擾零一里下河各村謝雄等堵擊之至是糾十一由蘄竹擾善勞等村團長莫定光定昌亡於陣矮三實阿得三

武宣賊莫八等潛由象州竄桂平羅秀

莫八與劉阿才李阿狗劉阿保皆東鄉人號福義堂潛由象州過羅秀爲團練擊散合於廣義堂梁老隆黨

閏七月黃賊舒錦謀亂滅之

舒錦初爲洪軍小卒逃回稍稍聚衆是月踞曬谷嶺黨未
集團格殺之僞先鋒陳阿府遁白洞附黃四福謀復仇尋
被縛四福居郭南里與梁阿天孫阿受等竄三板橋爲團
擊散

冬十月艇賊趙洪寇府城知府劉體舒擊敗之

洪旣附艇賊梁昌陷貴縣四年八月糾貴縣賊馮二李七
黃三覃七何三等率匪萬餘踞新甯墟九月初六日遂寇
府城初洪拜三合會結城中之在會營兵傅晚等爲內應
勇目何偵知之白體舒譬以利害解散之密設伏以待賊
洪不知也急攻小南門體舒偕副將和勒賡額守陣內不

敢發十二日勇目鄭文彩何貞客長馬少愚等截其歸路
戰於西關斬獲千餘名擒匪首袁以正曾振林阿金跛脚
張餘匪退入貴縣畫眉塘是月初四日復糾土匪至城下
尋退入墟中初五日兵練攻墟中擒黃三李阿昆擊沉其
艇賊下竄平南知縣李載文復沉其二十餘艇擒馮二時
有戴阿月何海德崩牙旦者亦艇匪也竄至思旺墟擒於
團練武宣黃九娣乃糾土匪魏四劉阿三劉阿黑乘虛襲
踞思旺載文馳擒黃阿孫而蒙祖玉一股復竄大烏載文
移堵之賊亦潰振號大振馬

流賊廖四妹攻洞心

賊姚新昌倡亂於洞心

賊名大愈羅秀里翰堂人素以賭博爲事新昌其賭館號也以姚學範姚學汾姚業宣爲軍師以姚大珖姚大瑛爲死黨道光庚戌咸豐辛亥癸丑間莫十五謝土養鍾玉保傅三妹諸賊之亂鄉人已疑新昌勾結是年春遂以大珖大瑛等在中和之白石垌中斷之雷劈石倡拜天地會黨羽漸衆七月三妹及黃得三蘇十九黃狗兒謝七謝四邱二嫂等匪分踞洞心羅秀與容縣之石頭墟新昌乃引容縣平南北流鬱林之賊率羅大全梁阿叵梁瑞璘往劫廣東合浦之藍丁鄉歸則盤踞洞心爲賊巢結羅秀諸匪分

屯各墟焚劫一空於是姚大鸞等築堡於格子門頭兩嶺
姚大鼎姚大煥築堡於象鼻山新昌以其圖已也乃掠大
鸞倉谷而招麻洞賊陳成煥屯筋竹塘仰攻格子堡從九
姚本然率練禦之斃賊數十越旬始退是月新昌復設壇
拜會於洞心勒脅愈衆遂霸收錢糧私征商稅一方騷然
未已又劫六陳攻喬山困烟嶺皆敗而還大珖號爛十大
瑛號十六

十一月立桂平團練局於桂平翰冲角以平南張鵬搖蒙頤
覃慶祚覃肇基劉彥文甘景存桂平黃方肇入局辦事

平桂團練攻六陳賊洗森互有勝負

森之居六陳也張鵬搖等退保會一上里九月率團練擊於太平里四雅村切七日乘勝攻六陳不克賊合大隆匪數千踞籐竹墟團長陳相厚死焉是月十九日黃方肇甘景存兩路夾攻六陳擒斬百餘賊遁去遂守新屋村連日收復太平草橋冲會一古都會二六銀等十餘村謀守未定二十六日賊糾大隊攻新屋衆寡不敵陣亡練長趙儀臣等十七人賊復踞新屋六陳十二月賊焚劫太平里顯冲茂垌兩村人心益憤二十日出團練攻會一里竹雅村賊巢遇伏敗歸

平南會一會二里聯平桂團練設分局於寺邊村以梁世槐

陳昭然入局辦事

有角獸屬潯郡夫子廟非牛非羊

五年夏四月艇賊陳開率李文茂梁培友圍府城

開廣東佛山人刺船爲業文茂鶴山人初爲優四年六月
二逆同昌倡亂踞佛山鎮破德慶州培友自廣西回竄遂
合股破肇慶入踞之官軍克復乃率衆西犯入藤縣踞大
黃江遂圍府城

艇賊陳開等屠高塘監生梁樹勛死之

開率賊艘百號泊下灣攻高塘樹勛督團死守斬獲甚衆
賊攻益急堡破焚之樹勛與柳時春死者數百人

賊艇何晚附陳開攻潯州尋攻武宣知縣朱爾輔招降之

先是晚敗於思旺會平南土賊陳掄元由鵬化走大同過

藤縣晚招之衆復熾五月藤縣匪黃桂林糾晚與陳溶陳

東江攻永安水竇知州陶福杲擊退於黃村而張英胡阿

金亦敗遁黃村附之初駱四吳彩朱良遠故晚悍黨也其

後駱四斃彩降良遠就撫轉攻晚晚數敗六月復糾吳阿

金張鈞得由武宣陷象州知州盧承勛戰守四晝夜殺賊

數百名武宣賊韋晚覃老必劉廣福四方由象州入修仁

晚遂入四排附陳志廣攻石牆繼與張高友攻荔浦又附

土匪湯阿昌入賓州知州陶錫圭殺其僞先鋒何附保九

月竄湖南永州桃州回竄富川小水復竄修仁荔浦合於
高友旋分竄藤縣平南入潯州附開至是乃隨開攻郡城
又攻武宣爾輔招之率六百人歸焉易名松亭後爲同伍
劉彪何維杜洪所忌殺於江中彩號長腰四良遠又名阿
狗

朱賊阿狗集匪四千餘人劫慶遠思恩等境掠牛數千頭由
武宣東鄉下平南大烏賣之

平南團練擊賊陳開於蚡蛇灘敗之竄府城

開率賊艘千餘泊蚡蛇灘李誕祥等屯北岸傅楊清等屯
南岸夾擊之奪賊三十二艘擒賊八十四名團長黃科陣

亡賊上竄府城

五月初九日白石團練攻麻洞賊陳成煥久乃克之

先是道光庚戌三月初九日高峰墟有股匪千餘入蔴洞
踞之擄掠旁近鄉人紛紛逃竄獨思培村黎黃楊三姓號
召沙江團練數百攻之不克賊竄擾羅秀咸豐二三年高
峰聚匪愈多頻出劫掠羅秀顧不敢輕犯思培四年成煥
始煽誘土民盤踞麻洞勾結艇賊荼毒四鄉里中士紳乃
集思培勇爲白石團至是移營思培並招平桂團會攻蔴
洞賊巢連戰兩日不克八月二十二日夜成煥使其弟兄
檢率賊二三百名往劫會冲村二十三日黎明白石團遣

培甲練勇攻蘇洞以牽賊而別以一隊直討會冲遂擒兒
檢解其圍當培甲練之攻蘇洞也自辰至未衆寡不敵而
何陸二村忽出賊黨截其歸路乃敗共斃團勇十餘名九
月初四日白石團復移思培會平桂團沙江船勇攻蘇洞
巢連戰兩日不克明年白石團大集資糧暗收復蘇洞脅
從諸村移營於中秀西岸村上秀福壽里下都陸村合圍
蘇洞賊巢內外隔絕艇賊不能接濟自四月初二至五月
初三賊糧竭始克之

六月張鵬搖率平桂團練赴護府城

艇賊圍府城鵬搖率團練五百人由羅秀馳赴南江援之

貴縣賊張金德掠洛根上壩村

流賊胡阿金掠新墟藍玉璵率團練戰於彩村江

八月十七日艇賊陳開李文茂梁培友圍府城營勇何八欵賊陷城知府劉體舒知縣李慶福前知縣舒樺府經歷宣元焯典史沈廉從九品馮鎔周濤皆死之

初府城米谷無入境稅南北岸囤積甚富聞警悉運城中儲之賊圍攻自四月至是月城中恃以無恐兵練復時時出城拒戰多所斬獲賊艇分泊兩岸北江至官冲口南江至大坑口百計環攻不得入六月初十日塹長圍絕我糧援七月十五日復穴小南門地道轟月城崩塌數丈乘烟

饑肉薄而來城垂破勇目何貞羅英傑等率兵練殊死堵禦得無恙體舒血書乞援八月初六日按察使張敬修率參將尹達章督水師至平南十一日戰於石嘴失利去外援雖絕人心益堅賊計窮謀將舍去何八以城中守備缺狀告而覃放三窩塘奸民欺付之十二日悉衆急攻貞深入賊壘傷砲陣亡我軍氣奪十七日賊撲南城架雲梯蟻上守軍饑不能戰遂噪而入城既陷士民巷戰死傷甚衆體舒慶福樺被執不屈死元娘自經廉赴水死鎔濤遇害教諭劉端然貢生藍兆麟附生蔡湘劉茂防客長馬少愚並及難營中均得無害賊入府城於是署僞官征賦稅分

黨四出擄糧索金號招土匪下都麻洞則陳成煥鄭水通
梁大眼八大冲石馬則李彩隆李珍源上秀篤州則莫七
莫十一莫十四下灣則李單眼經大隻上都大洋則謝四
吳安生羅秀則姚新昌姚爛十吉里則和尙能貴縣覃塘
則黃全義黃鼎鳳平南大坡則覃乃保韋竹塘三謝阿仁
等皆與聯絡蓄髮易服盤踞七年而後敗莫七寔莫愈昌
附府志劉體舒傳

劉體舒字用之一字雲巖景東廳人道光癸巳進士來
守潯州時賊氛四起至則修城隍繕器械以戒不虞部
署甫定而趙洪覃七等實來寇城中不逞少年數百人

謀結營兵傅晚等爲內應勇目何貞知之密啓體舒乃
集諸少年責之曰若輩所爲吾知之矣顧欲保身家適
足滅門耳何若殺賊立功轉禍爲福吾不罪汝而賞汝
也諸少年感體舒之生之也陽應賊而陰反之賊猝不
及知以爲有應而急攻之體舒偕副將和勒賡額守陣
內不敢發貞率諸少年截賊歸路奮擊於西關外斬首
千七百級賊大敗竄咸豐五年四月艇賊李文茂等陷
肇慶東軍捕之急竄犯府城體舒率兵民誓死守賊塹
長圍絕饑道復穴地爲道轟陷小南門肉薄登城幾破
我軍揮兵奮擊之且戰且堵自辰至午礮斃賊數百名

我軍死者亦數十人賊始退體舒慮孤城終不可守乃
上血書乞援於按察使張敬修軍至石嘴爲賊敗不能
達城中堅守百二十日援糧斷絕軍民至剝煮箱皮啖
油麵爲食終無叛志賊計窮將舍去有營勇何八者私
歛賊遂悉衆急攻破之實咸豐乙卯八月十七日也城
陷舒體被執拘守之求死不能得謂賊曰死吾分也幸
勿害吾百姓九月初九日仰藥不即死

冬十月武宣賊覃七倡亂屯應村不滿千人不敢行掠散入

紫荆山

十一月姚賊新昌攻門頭旺法石狗各堡敗之

先是篤州賊莫七隨陳成煥劫長稠堡潛通其弟莫愈光
之在墨斗寨者是年春遂開門納新昌因連破君子銷銅
兩寨黃學謙死焉尋陷旺羅井塘困東山堡蹂躪殆徧四
月艇賊陳開李文茂圍府城新昌結其黨梁勝周英黃狗
兒梁日等屯踞洞心屢與勝等攻門頭十月勝又攻石狗
練長姚學闡亡於陣姚尙親率練奮擊斬之是月新昌悉
隊來攻門頭由龐村至廟岡山窺堡之後由洞心至社洞
攻堡之前分隊由石古嶺衝堡之右堡中砲石齊下斬首
數十級賊始退明日又以大隊乘夜攻旺法黎明退日中
復來旺法者秦直平築以應門頭各堡者也姚本然愷然

覃建中梁捷元等合力抵禦斬首數十級賊潰十二月本
然等又邀英於六窩嶺斬獲十餘名奪器械無算未幾新
昌之黨韋學時復由南鄉糾北低各匪攻大冲村自辰至
午黃岑六忌各團援之斬首十餘級獲其器械如之

平桂團練擊平南土賊於會二里

賊結桂平貴縣北流容縣各匪萬餘踞高村寺邊等十餘
村陳昭然等連日攻擊賊敗退

六年二月流賊李文彩竄附艇賊於府城

文彩久踞平朗不時擾廣東靈山是月廉州府沈隸輝攻
克平朗文彩竄東津旋去府城附陳開

十五日官軍克復武宣三月初二日潯州協副將福格率兵
練防守

三月武宣賊韋祖芬勾結艇賊復陷武宣副將福格守備朱
錦華死之

初祖芬糾匪百餘沿江行劫五年聚黨數千滋擾柳城懷
遠各境至是結艇賊七八千昏夜撲城內奸應之官軍不
及備福格手刃數賊力竭亡於陣城復陷錦華及把總李
桂芳巡檢谷集啓外委吳錦蘭死焉同死兵丁二十名婦
女多名賊尋去

姚賊新昌攻象鼻堡破之庠生姚大嚴死焉

初大嚴大鼎學誠及大煥等謀築象鼻以當羅秀洞心之衝至是新昌使其黨姚學振破之大嚴死焉

夏五月官軍截戰艇賊李文茂盤石江敗績

按察使張敬修參將尹達章以四月統水師屯大黃江築長堤兩岸中以鐵緮截江上流賊乘春漲壘石駕木筏衝緮而下官軍截戰盤石江敗績全軍盡沒賊勢益張艇賊攻宣里鐵嶺村

初正月十七日陳開攻和社破之三月陷吉一里木山堡武舉覃朝寶陣亡既而李文茂攻水秀村黎輓團練援之走攻新村四月十六日開攻伏化貢尾堡二十四日李七

糾文茂攻黎輓陷之再攻新村至是又攻鱸嶺九月開等
竄天堂村

七年丁巳艇賊陷厚祿里安擔新屋村屠新屋村死十餘人
安擔村陣亡者四人

夏四月平南衛安團練攻艇賊於大烏墟屢敗之賊竄府城
五月姚賊新昌踞高平寨團紳姚大鸞等破其洞心巢旋潰
三月新昌爛十乘夜踞社洞高平寨寨首莫八遇害勢銳
甚是月大鸞令練目陳廣付率勇百餘亦乘夜破其洞心
之豬籠寨新昌等謀遁去姚大鵬勸其招平南大坡賊將
豬籠之團困焉復集大團營新定舊地山等處爲聲援逾

月始潰圍出練長龐法真陣亡殲其賊目梁三

秋七月南河地震

八月十二日艇賊陳開圍朱蓋砦攻花魚步

十二月艇賊攻平南川四里全村團練連敗之賊遁大黃江
團復練丹竹遂徙局於全村初三日賊攻團營李超羣盧
元煦等率團練敗之擒斬二十餘名奪砲械無算初七日
又敗之賊遁大黃江

八年戊午春正月姚賊新昌突攻小陽襲破龐村遂圍桂安
團練局

初韋廷揚被新昌黨陳成煥擄贖忿死其子臣邦誓與賊

不並立偕良佐在邦建邦奉知縣張葆光檄合小陽鳳鸞等十八村爲衛良團是月十七日賊攻小陽練勇奮不顧身內外夾擊至酉而散二十日襲破龐村遂圍桂安團練局衛良團起練赴援賊從山下冒松枝進圍燒火藥擲之賊不敢近圍困數月賊計窮竄破風櫃堡其後四月陷木欄堡轉困算盤堡是時團勢漸難兼顧會官兵克復北流曾五匪黨數千竄附新昌乃以十月二十日遣其黨楊阿文襲破竹鵠塘堡屠之轉攻下寨衛良團救之急雖破人幸無傷賊踞兩村爲巢穴拆運鳳鸞村木石建砲樓後山圍困古塘二堡練勇盡集堅守明年正月初十夜賊忽移

攻小陽破其外圍堡中彈藥盡絕幾全覆十五夜半鄉人
仰天籲禱忽風雨驟作建邦等潰圍出人心頓解圍遂散
臣邦避地南團僅姚大鸞門頭一堡屹然如故

三月朔姚賊新昌破旺法堡遂擾門頭各堡團練禦之互有
勝負

先是新昌以正月結李世現李阿藤等屯其洞心寨結梁
三謝五覃阿稅等屯其龐村殺掠男婦無算練目龐阿池
不屈死姚如宅與其孕婦及姚大鰲大參遇害由是中和
旁近皆從逆二月姚十六由羅秀攻算盤陳塘二堡新昌
阿稅由龐村攻廟岡堡姚爛十竹塘韋三甘乃斌由大冲

六忌至竹坵屯山珠嶺馬勒根等處攻旺法堡未幾新昌
破廟岡乃擁衆屯上車嶺綠水冲攻門頭堡陳塘破殺害
男婦二百餘人旺法被圍旬餘糧援俱絕男婦猶攫死誓
守是月堡破庠生姚學誠練目陳廣付秦直平率衆巷戰
死秦世瑛憫其父兄之死也糾精壯潰圍而出秦儒錦戰
死其妻李氏與幼子掠賣至鬱林福綿越年襁其子間道
走歸初六日新昌由廟岡踞中斷墟絕格子門頭相通之
道生員姚達賢與練目李世昌姚大創奮勇抵禦賊遁克
其所踞上車嶺團練覃建忠傷足十七日十六乃斌以屯
膳田勒馬根之賊撲斫竹塘姚本然率敢死士二十餘人

橫衝其後賊甫退十六搏戰殊力散而復合者數四達賢
率韋學蘭黃三陸鳳齡等三十人搗其中堅輒披靡斃賊
數十名十六乃僅以身免二十二日賊以大隊攻石古中
岡之木柵初賊於是月朔去柵十丈許築壘相逼屯營建
台於石古巔姚大鸞於是命子姪潛往中都下都里破產
招白石衛清兩團至四月初八日駐扶冲上冲六懷各處
攻龐村中和中斷賊巢以分其勢初九日賊始解圍而遁
十三日各團失利退新昌由中和攻破六懷擒獲衛清練
丁皆穿鼻面縛以歸新昌尋至涼風橋達賢與都司陳仕
超楊蔭堂等截擊奪回練丁數名追至荒塘頂新昌幾爲

所獲其後五月新昌以其黨姚大和攻破路村賊勢復熾
七月通心巢爲團所破監生姚大旌先於奇山築堡以當
洞心之衝毀家募勇二千人列營勒根之六巫岡猪母塆
困賊中和自五月至七月賊截其後遂潰十月大旌偕黎
儒珣率練圍社上牽制洞心以大衆直逼龐村垂破新昌
突於冬至夜撲其後營團復潰自是洞心上通南鄉下連
大坡賊益肆行無忌

夏四月艇賊李七寇南涿油榨宣二里盤龍安衆山脚賢嶺
等村

艇賊破南岸高塘洞岸楊村屠之李廷琳李人龍楊悅斐死

焉

秋七月長星孛於北四十餘夜始沒

十八日萬梁成攻洛根村

冬十二月宣里雨五色土塊

九年己未春正月初三日北河地陷有白氣如雲湧出

七月洪軍石達開回軍屯厚祿里下畚村

按先是達開在金陵與章昌輝相圖不勝出走肆擾浙閩

川楚地八年九月率悍目賴裕新石鎮吉鎮吉達弟陶金湯

等回廣西由潯盤踞厚祿里下畚村旁出搜括桂貴村莊

月餘始去下畚村距貴縣龍山北山里石達開村七十

六月艇賊陳開率黨萬餘寇宣一里下冲村十一月十二月連攻天堂伏化貢尾橫嶺各堡

水淹沒田舍

秋八月姚賊新昌破勒根村

初新昌以七月遣章學時劉瑜暉乘夜攻破大冲村李社相李將義喬讚經讚衛孟廂揚巷戰死李裕揚被掠不屈死焉李義然婦楊氏被害至是又遣姚太和姚恒秦楊廣乘夜破勒根村人畜幾無遺種姚大鸞以覃建忠負鄉望令設團練行局於新塘堡久之距大冲勒根之賊遂竄

十年庚申春正月初三日地震

八月桂平賊姚新昌陷黃巔堡

正月初四日新昌攻小陽村旬餘破之二月悉南鄉中和洞心之黨劫容縣水里石頭市又命覃業新攻破福地山暮底股水里悉遭荼毒七月新昌等以頭家寨爲僞宮殿奉覃阿稅爲太平郡主以新昌爲僞元帥安國公姚十六爲威遠侯竹塘章三爲陸路總兵副元帥姚大琨爲靜陸伯姚爛十自稱十大王甘乃斌爲左翼飛大將軍覃業新爲右翼飛大將軍姚業宣等爲軍師如故其餘封拜有差於是十六爛十築巢於洞心楊阿文築巢於石脚覃八築巢於長塘表新昌築巢於石頭古達相爲犄角遂率黨攻

破鬱林蒲塘等處是月復以梁阿叵領中和之黨來攻黃嶺堡居山巔無泉數日遂破其後九月爛十率黨二千餘攻六忌村屢戰失利梁法典父子死焉阿叵爲賊砲斃由是各村堡悉受威脅其敢與賊抗者爲門頭格子士頂祿周旺法勒竹墟楊梅冲寥寥數堡而已

十二月十六日艇賊陳開攻沙江萬安等寨破之

十一年五月艇賊敗竄平南川一里東平墘團練擊走之復竄府城

先是艇賊聞統領湘軍蔣益澧率師平梧州下郢將取陸路進勦府城遂於三月分黨羅華觀合曾三曾四率賊三

千餘先踞藤縣中車堡扼官軍進路五月官前鋒敗之賊
牽中車堡竄踞川一里東平榔李超榕楊榮春等敗之賊
乃竄府城

有星孛於西南經旬始滅

六月姚賊新昌攻門頭士頂勒竹塘各堡不得逞而去

四月新昌使覃業新乘夜入門頭堡堡中人奮擊而退是
月新昌姚爛十姚十六分三路撲門頭士頂勒竹塘爛十
營白花岡爲門頭格子擊走新昌亦爲楊梅冲勒竹塘所
敗十六日先踞西河木寨脚各村士頂與賊接壤乃於對
腰岡佛子岡築望樓以衛耕種十六由西冲河木撲佛子

新築之柵築甫半而賊突至練日秦世瑛赴援賊始退團
長姚學珍創首日中又擊十六所踞寨脚村自午至酉砲
石交下世瑛陣亡越日新昌以大隊寇勒竹塘鋒甫交姚
達賢由土頂馳援衝其後隊賊遂潰斬其魁高臨秦土地
是夜對腰營拔明日覃建忠姚學愉復樹柵石田岡扼賊
往勒嶺之道賊黨姚學振貴德四肉薄來攻達賢又馳援
之學振貴德四殲焉其後七月官軍克復府城新昌等稍
胆落八月始解土頂圍而去

七月十四日水陸官軍率平南平桂團練大敗艇賊陳開於
丹竹江十六日遂克府城

先是統領湘軍布政使蔣益澧由梧州陸路節次進兵是月初七進營平南蛇黃嶺開遣陸隊拒戰官軍連敗之十三日統領水師廣東碣石鎮總兵李揚陞督舟軍大小二百餘艦以鉄緮列營丹竹江中十四日天未明開悉賊衆三百餘艘眠檣卷帆而下我師以大艦三十爲前隊稍失利揚陞麾中軍戰艦突出前隊砲彈賊舟藥庫延燒二艘賊驚亂我軍殊死戰彈發如雨江水爲飛東風大作烟燄障江賊覲面不相見退無帆檣我軍乘勢電擊賊遂大潰舟全覆溺死無算其沿河援賊及敗梟岸者又爲益澧陸軍截殺平桂各團復夾岸兜擒無遺自辰至午大獲勝仗

水陸斃賊八千有奇游擊王佐朝守備張先富外委鄧新
鑑亡於陣官軍乘勝直上遂克潯州僞大學士黃子琛自
縊死擒僞將軍府尹諸賊目戮之

艇賊陳開伏誅

開之陷府城也建僞號曰大成僞改潯州爲秀州府桂平
永秀縣平南武城縣貴縣懷城縣鑄錢文曰洪德通寶築
郭外土城二道爲固守計分黨擾貴縣平南武宣象州至
柳州六年十月李文茂僞稱平靖王竄柳州梁培友僞稱
平東王踞平南區潤僞稱平西王與梁昌分屯大黃江開
僞稱鎮南王改平潯王踞府城僭府署爲僞邸第七年三

月培友伏誅開領其衆閏五月攻梧州八月陷之八年二月竄昭平至永安三月至桂魚塘將犯省城時文茂由柳州出蘇橋與開爲首尾省城戒嚴按察使蔣益禮率師遏之四月開回竄梧州知府陳瑞芝克之開退戎墟五月聞文茂敗死懷遠山中乃馳踞柳州設元帥將軍諸僞官以僞知縣王山公居守收文茂餘黨分守柳州融縣十年正月官軍克柳州是年三月克武宣進逼府城是月十四日開大敗於丹竹江遂棄城逸出赴石達開大墟達開聞湘軍且至遁思恩開進退無據將依黃全義黃鼎鳳於貴縣至大灘團紳陳璠賴聯桂計擒之並其黨張安陳見成執

獻府城磔死

統領湘軍布政使蔣益澧立軍糧局於府城以團紳黃獻錦
譚延齡李運昌梁濟舟唐俊勳梁朝彥等入局辦事

同治元年壬戌夏四月姚賊新昌襲門頭堡不克而退

新昌以覃業新領匪數百人伏門頭旁近黎明門啓突入
堡踞之堡中人拒戰逾時外援屢至賊始散姚學新姚大
舒大佐等戰死姚本然凜然等創殲其魁覃七覃三五月
新昌覃阿稅等擁衆七八千破中都之木根西岸下都之
揀支下廬蘇洞等處殺燒尤甚姚悅然被擄不屈死生員
楊某被害

初三日貴縣賊劉阿烏掠根竹村

五月艇賊梁大口扒謀犯府城巡撫劉長佑駐師遏之

大口扒陳開餘黨後附黃鼎鳳率衆數萬謀取府城鄭金華蔣澤春兵單不能禦賊已擁衆屯蒙墟前鋒至嶺頭舖去城僅十里民心惶惑勢岌岌不可終日長佑統大軍至乃安

六月巡撫劉長佑大破貴縣賊黃鼎鳳於嶺頭舖

時團總貢生譚延齡自備糧械集安平團剛勇二百名隨官軍勦賊相持月餘互有勝負一日賊率衆數千由荔枝洞繞出官軍後黎明薄鳳凰嶺砲斃營官一哨官三兵勇

死傷甚多幾不支延齡率團長劉錦揚龍瑞彬蘇元通等橫衝賊陣奪其轟礮其前鋒數人賊披靡遂大勝之

姚賊新昌糾平南大坡賊合攻桂平周村堡破之團紳李朝華死焉

秋七月巡撫劉長佑克嶺頭舖游擊何本勝都司劉安清守備尹善保陣亡

賊屢敗屺死據嶺頭舖不能克團總譚延齡知賊在趙里黃徑村列柵屯糧爲後援獻策於長佑率練長劉錦揚龍瑞彬蘇元通等爲前鋒副將戴盛寬李士恩由磨甸山繞出賊後攻黃徑而以鄭金華攻嶺頭賊知糧柵已失遂驚

潰官軍乘勝火其壁本勝安清善保中砲死賊遁貴縣安平團生擒悍賊二十餘名斬首七十餘級追奔至獨流江溺死無算府城解嚴

九月龍岩降賊林漢朝叛襲官軍於桂貴大墟

初漢朝黃開志已就撫游擊鄧在倫夏永寬營大墟黃鼎鳳賄漢朝叛襲之官軍退屯鎮龍賊入陸村水師參將利輝縱火焚之賊目蒙富宋區二竄橫嶺千總張勝聯力戰手刺蒙富殺之

十二月貴縣賊戴五高慶劫澁村龍塘

二年春正月官軍克桂貴大墟林漢朝退守龍岩

五月官軍進克龍巖

先是黃賊開志

即黃

貴縣賊林漢朝就撫後漢朝復叛据

龍岩以抗官軍五月候選道王承澤率知府覃遠璉副將

戴盛寬都司何元鳳攻克龍岩執漢朝並其子及賊黨百

餘人誅之

據重修桂志訪冊

秋七月署知府覃遠璉率勇練勦辦趙甫武平厚祿各里賊

擒偽都督黎某覃二寬等誅之

初鼎鳳之遣大口扒圍潯也所過輒授土賊偽職鼎鳳滅

其黨蔓延時出劫掠道路為梗遠璉駐軍蒙墟諭圍總譚

延齡帶練助勦擒黎某二寬暨諸賊目四十餘名並誅之

伏莽悉平

四年乙丑冬十月知縣徐延旭擒土賊張貴和誅之

貴和初與黃十一張士貴黎輓韋七黃狗兒廖社養結黨
凡劫掠所得貴和坐分之當時所號米飯主實盜魁也至
是延旭擒誅之

五年丙寅春正月知縣徐延旭潯州協副將覺羅達三偕在
籍江西候補知府周溯賢率兵團討姚賊新昌克之

初元年冬十一月知府覃遠璣率知縣陸慶崧由羅秀至
馬平勦撫姚爛十姚十六僞應之新昌不肯就撫三年春
正月回羅秀攻破蘇村十六復破新定四年春三月招北

流匪曾五梁安譚晚等破容縣自良水里福地山石頭墟
延旭時宰容縣率兵勦之五月自石頭奔羅秀官軍尾之
團紳姚大煥大鼎督練會擊盡殲焉十月新昌復由羅秀
竄南鄉十六夜其黨莫七破奇山二十二日新昌率張阿
金姚業聖等回洞心合爛十六乘夜破馬平附貢生姚
業就及姚業繡姚大樞姚伯康等遇害爛十六遂與社
上馬塘黎村坡諸匪肆擾鄉里至是延旭駐驛洞達三溯
賢駐門頭游擊黃才貴駐羅秀姚大煥姚業新秦大志韋
重熙陳懷里梁明山各團營於左桂安白石羅播各團營
於右賊勢方張連破山口揀知社平各村堡二月初二日

達三攻其後延旭攻其前各團衝其左右斬馘無數斃其
魁爛十三月十四日十六遂來投誠十五日進逼洞心十
六日賊戰益力十七夜攻洞心黎村坡皆破之新昌宵遁
南鄉尋以其黨踞六石堡之沙坡墟大王廟新村之雞嶺
尾廟團紳姚達賢率勇攻大王廟禽匪首梁瑞璘莫七謝
四新昌由南鄉竄拳戀田

三月獲姚賊新昌於鬱林拳戀田誅之

拳戀田者周圍大山中一洞突起墩埠居民築堡壘以避
亂四年五月新昌入踞之時出擾貴縣北流桂平鬱林諸
村堡官軍既克洞心各賊以次就撫新昌乃遣其子學省

守大鳳均遣楊阿文姚大起等守鴨塘佛堂各隘爲犄角
閒出遊掠是月巡撫張凱嵩檄鬱林知州葉葆元桂平知
縣徐延旭北流知縣楊彤壽博白知縣高承瀛游擊黃才
貴合剿拳戀九戰皆捷新昌窮遁大容山其黨潛歛官軍
克燬大鳳均擒學省盡俘其孥尋獲新昌於官田坪誅之
六月團練擒土賊劉三九誅之

三九王母村人元年肆擾象州武宣間四年六月潛回王
母村附陳大六二是月其族長劉德懋導團練縛之陳大
六二率蕭祖善等遁橫嶺長塘

官兵勦土匪劉阿貴滅之

阿貴石嘴墟人元年出劫尋附黃鼎鳳是月剿滅之並擒
僞先鋒劉新隆黃國寶

八月署知府王達材擒逆黨陳土養誅之

土養與弟戊養咸豐七年竄踞義甯東坂土養尋附李文
茂僞封陸路將軍文茂死附黃鼎鳳僞封總管先鋒達材
令其兄家瑚縛以獻謀途逸家瑚手刃之

九月署知府王達材剿土賊黃德昭滅之

德昭沿河劫掠土賊中之水賊也是月達材剿滅之並誅
其父鳳林弟德新黨陳阿三

十月署知府王達材討土賊劉阿能於落西徭誅之

阿能結劉三九彭六黃橋養等黨千餘人出沒潯柳間四年三月鵬化匪張天賜引阿能攻張俊良張汝瀚兩家不得入轉攻羅掩鄧塘破之擄團長覃恩貞至紫荆山勒贖達材督兵由大黃江進令平南知縣龔玉彬率團紳李超容等由思旺墟進兩路合擊天賜敗竄象州阿能自殺弗殊遁匿羅西徭擒斬三九彭六百餘人僞先鋒陳阿茂逃羅洪村附陳總羣徐步賢徐禮泰徐彩和等是月達材率同知梁俊參將黃才貴都司曹福祿在籍副將陳超忠代武宣縣劉汝棠五路攻之獲阿能並斬其黨數十人明年春達材率桂平知縣徐延旭平羅洪擒阿茂總羣等盡殺

之

六年正月署知府王達材勦賊陳大六二平之

陳大六二實彭六也四年四月與劉三九黃橋養劉何能等聯絡合踞象州義路劫武宣廟旺墟兵練擊之敗匿馬來嶺入王母村三九被擒逃入橫嶺長塘糾大村莫中滔莫特豪來賓鵝山楊德龍五山堡黃特東北敢村黃進四等十七人稱十八羅漢特東誅後皆散去是月彭六走新歸鍾村邑弄達材勦平之

七年戊辰知縣鹿傳霖初丈田畝

桂平自兵燹以來田畝未清邑中有田無糧有糧無田者

所在多有傳霖始行清丈自是年至明年冬歲事因租派
糧如額而止民賴以安

十二月癸酉五月二十八日地震聲如雷鳴

光緒六年庚辰春正月知縣壽祝堯殺覃啓瑞并其子廸入
倉茂村屠之

啓瑞倉茂村人都司銜嘗攝平南貴縣把總廸廣東候補
府經歷五年冬里中士庶建賓興館於穆樂墟遠和典商
惡其逼倡言不便於市嗾市人毀其垣廸偕館紳詣典舖
讓焉市井諸不逞之徒以其闕也擁掠外庫雜物而去典
商乃賄聳祝堯論啓瑞廸謀逆不道是月率兵勇千餘人

至啓瑞懼不能白遁去祝堯遂入屠之凡殺男女三十八人合村二十餘家焚掠一空廸倉卒逃出暨其足昇至市戮之越一月啓瑞走訴省中大吏先入祝堯言執而誅之里中士庶相從爲賓興者皆波累無少遺士民至今冤之

十一年乙酉五月大水

十二年丙戌大旱米谷騰貴

十三年丁亥饑護巡撫李秉衡飭梧州知府何耀章糴東米分運各府平糶潯州得米八百餘石市價始定

十六年庚寅七月地震

十八年壬辰冬十一月二十八日大雪

二十一年乙未大旱冬饑

二十二年丙申春夏大饑

先是二十一年冬飢二十二年彌甚飢而病腫死於塗者不少黠者割垂死飢民腓腿而食又有因餓久腹空陡獲大餐過飽腸裂而死者

二十四年戊戌六月二十三日平南賊老鷄三襲大黃江邊哨長周奇峯擊退之

老鷄三姓張不知其名老鷄其花號也

花號
號

行三故衆

呼老鷄三軀體雄偉喜交結無賴常思蠢動定計先劫大黃江括其財帛以圖遠遁旋於是年六月二十三晚率夥

三十九人來襲時夜深月闇各開牢閉賊各以竹梯分隊登各鋪瓦面落聚墟中掠奪鷄豚煮酒炊飯開闢以俟大股之至知府張祖祺先期聞報電調邊哨周奇峯率勇乘夜追至發彈迎擊賊鳥獸散老鷄三退匿深山是年八月邑紳陳鴻藻書約鵬化紳士張景星以計擒獲解府斬之二十八年壬寅貴縣大墟賊千餘乘夜潛過軍陵里覃放墟翌日攻吉一里社坡墟知府張祖祺派兵往剿賊散竄回軍陵里爲民團截殺數十名

三十三年丁未統領張建德被叛勇刺斃於大黃江

建德以勇駐大黃江勇叛刺斃建德與著匪陳阿狂六合

桂平縣志卷三十三
頻擾地方民無寧日

三十四年北河匪首陳亞狂六伏誅

陳亞狂六勾結柳州陸亞發餘黨在北河一帶結盟拜會
逼歛民錢無算復有張建德叛勇與之結合勢益凶蔓日
肆劫殺生民不堪臬司王芝祥督兵到潯勦辦命知府陳
仲賓檄桂北三里局紳陸顯書密偵亞狂六踪跡捕而誅
之匪患遂息

宣統三年辛亥九月十七日官紳奉省令宣布獨立民應之
桂林來電宣告獨立公推巡撫沈公秉堃爲正都督藩司
王公芝祥提督陸公榮廷爲副都督知縣劉樑詢於衆紳

僉曰可遂布之城鄉堂公局市肆人家多升旗燃爆竹以表贊應

十月初一日民國軍圍城

邑人於清向無異志洪楊起事依附者僅有賊輩蘇十九等人數寥寥金陵既復三十餘稔至光緒二十四年始有老鷄三襲大黃江之事意在擾亂取財非有大志也至壬癸間海內革命之說乃潛入境中新學少年多附和之蓋自戊戌政變愛國志士半已恢心益以奸臣袁世凱上蠱女后下植私黨恩則歸己惡則歸君人心厭清滋甚及宣統間親貴攬權勢益瓦解邑中老成學究亦僉云非革命

不可辛亥三月二十九廣州變起而後學校師徒與遊日
學生密行結會約鄉居同志陰編民軍待時而動八月武
昌獨立謀益決定於九月十九日在府城起事會桂林先
期宣告全省獨立會員廼取消前議欲將所約民軍改向
北伐而民軍諸首領僉欲先佔潯州得其糧械然後進取
兩者正相持適知府賀源清素講理學固不敢違民意亦
不肯背清主桂林獨立電至時不願宣布亟辭職待新任
接手而行然以新任知事與民多隔膜未嘗以斯意告於
民民多疑之知縣劉樑亦以賀不同意於二十三晚潛行
賀命周世薰代理桂平縣事二十六日民軍首領曹啓光

入見賀素府印賀不與三十日啓光與同邑黃起東

即黃
熊祥

貴縣羅楚璧平南袁恩榮駱喬翔平樂周毅夫各率衆駐
永和里蝴蝶嶺越日十月初一逼府城意欲脅賀源清出
走時警兵練哨巡船師皆相聯應賀閉城不欲與戰會有
統領馬某率勇二百許自北河下入城力主戰遂發鎗轟
擊各民軍亦施炮彈還擊自初一至初五晝夜礮聲不絕
大小南門外舖屋多被官兵燒燬將盡

初七日民軍退

廣西都督陸榮廷聞民軍圍城委總司令龍覲光督兵解
圍初六日覲光自橫州至貴縣專派管帶羅福謙委員李

靖華至潯城勸兩方兵息戰越日民軍退

初九日總司令龍觀光入城

觀光既入城即以中學堂爲司令部城內要區派兵扼紮保衛街市越日初十率衛隊親出城外巡視地方情形分派管帶李永昌駐紮南門橫街王敬銘駐紮人頭橋水月宮馬正明駐紮城內互相控制並令幫帶車斌分行各地以嚴警衛區域南門街一帶守兵乘間搶掠經謝鎮泉查知立秉大令斬之各軍始肅然歸伍十四日分請各紳商面陳得失招集府縣自治團體議員恢復輿論機關招集學校員紳一體上課令行各鄉舉辦團練助以兵力俾

資防禦地方平復

民國八年米貴每斛價九十圓廣東督軍莫榮新運米回大黃江設平糶賑之

此年米貴因歐洲戰後米食缺乏日本以農民多從業工商之故因至錢多米慳而貴每石價五十元波及中國香港貴至石二十五元廣東貴至十餘元

附雜記

張澄源居城廂有傳城中人多有述其爲神者謂嘗齋中晝寢夢接天符召爲瞿塘峽口神行有期矣醒而憶之弗之信後夜夢如故因念老母在堂籲天乞齡弗許

遂徧辭親友至期果卒時同邑人李芝任義寧縣教官
夢其來拜辭行卽在家易簣之日云

西山下有雲臺石樹深水淺祀土神頗著靈異求嗣者
往往詣此住廂黃某因妻娠逾期心憂往禱濯足水中
忽見片石方平端正修廣四五寸許有微凹可作硯以
巾裹歸行數里巾猶瀝液始知凹能生水也及門而呱
呱者在牀矣因念得石而子生取名石生稍長隨兄至
塾兄背念書未熟潛以告塾師訝曰汝未讀書何由知
兄書對曰聞兄讀故也師曰諸童所讀想並聞之亦能
記耶對曰能試之果然謂黃某曰爾次子穎悟非常爲

述其事黃某因以得石命名具言之師索石來觀置案頭會師出館中書子紛來奪看鏗然墜地而破有蟹白內出小如錢旋斃而石生在家亦陡若驚風手足抽搦母抱置牀上其氣已絕噫山川靈秀之氣不鍾於人而鍾於石乃石不安於石而假形於人復因人而戕其石是靈而不終於靈也假使此石不炫其奇自葆其質長抱樸深溪碧澗中不且與天地同久乎吾甚惜乎石之自炫而自賊也誌之以爲石鑑且爲人鑑

以上
舊志

下都里梁昱齡卒之日家人欲啓其箱取衣冠成殮徧覓鑰匙竟日不得及夜有鄰人自郡城歸聞昱齡已沒

因大驚亟往視之具言今日午間曾于途中相值見其
乘白駒神氣清爽詢何之答云赴貴縣且曰若歸為我
言鑰匙置在蚊帳筒內云云時昱齡已沒一日矣家人

依其言果如所囑

昱齡有傳又相傳舉人劉
惠人亦觀音巖僧明初託世

民國三年甲辰秋慶祝街南公屋巷李宅日間忽有石
球突飛入院熱出煙騰主人疑人弄偵屋內外聞如也
稍頃石復至益怪之室內器物無故移動以為常婢曰
鬼也吾見其形矣須臾桃鞭自移婢曰伊來取也急奪
從其處猛鞭之嗥然鳴遠近聞其事者咸來覘視曰不
信語已石即突至前舉人陳松任桂平中學校校長校

與李宅近亦往試之指一空室言曰汝果有靈則石必從此拋來吾乃信忽而長衫後垂處樸然有聲視之石也詢於婢云鬼自言是此屋前手主人之女未嫁而死屋易主不安故來擾施以冥鏹延道士請之去乃靜